


CIKANKAMANISYO

 Ndamu lumba, bakwesu a bacizi bangu. Eci Nda cilanganya, incobeni, kuba coolwe cipati kuba kuno cifumo eci, ku kanana ku balanda aba iba Kristo, a babelesima mu Makani mabotu, basimilimo ma. Ta ndikonzya maningi kubamba mubandi; Ta ndijisi nguzu kucita eco. Elyo inga Nda yanda buyo kubikka bantu antoomwe; alimwi ziindizimwi, nzila eyo, kapati kuli baabo bajisi, eco nco tunga twaita mu nyika, babaanga bayutuka maningi, a ku gwasya, nywebo mwabona, umwi wa miswaangano. Elyo inga Nda yanda kupa i—i kaambo ka Bulangizi mbo Ndi lwanina, a ku mulekela no bakwesu kubona kuti ta—ta kuli kuzula kwa—kwa malweza. Alo—alo Makani mabotu.

² Myaka minji yakainda, cindi ni Nda kabamba lweendo lwangu lutaanzi ku Phoenix, Arizona, oko . . .

³ Ndali kubotelwa buyo kalimbabula kangu, cifumo cino, a mweenzuma wangu mubotu, Carl Williams, okuno mu kkona. Ndi yeeyela kuti nyoonse mulizibilene kabotu a Mukwesu Carl Williams. Walombwa kuti wiime buyo, Mukwesu a Mucizi Williams. Walo i—i mweendelezi wa mutabi ku cibaka cabusena ibwa Full Gospel Business Men iku Phoenix, Arizona, mubwini, a Mucizi Williams, elyo aboobo wakatondezya kuba mweenzuma muyandisi loko kuli ndime.

⁴ Imvwiki yainda mu muswaangano, alimwi, nanka imvwiki kunze yainda, mu Phoenix, Nda kali kulungulula cindi ni Nda kabamba lweendo lwangu lutaanzi kuya ku Phoenix. Nda kayeeya, mbuli mulombe muniini, Nda kalangilila a kubala zintu zyoonse Nze ndakali kukonzya, nkaambo wakali muzeezo wangu, buzuba bumwi . . . Ba taata bakali sikuzundana wakweenzya mbizi, elyo Nda kali kuyanda kuba simbizi weembela ng'ombe. Nda kalibalide ma magazini amwi aa Kumbo, nkabela ndaka bona mafilimu manji loko, mbuli musankwa muniini. Elyo, aboobo, Nda kalibwene ba taata kabazundana mu kweenzya mbizi, elyo Nda kayeeya cancobeni kuti Nda kali kukonzya kuzundana mu kweenzya mbizi, ambebo, elyo makanze angu akali akuboola Kumbo a—a kuba sikuzundana wakweenzya mbizi.

⁵ Elyo Nda kamvwa zya Cilundu ca Malweza. Mubwini, Kusweeka kwamuna Dutch, eco nce Ndi syoma kuti ngu mugodi wa Kusweeka kwamuna Dutch, eco nco Ndi yeeyela kuti nkaano kabuyo.

⁶ Elyo bantu banji nkobali, mu cisi cesu kuya, cili mukuba ciindi cakuzundana kwa kutondezya zintu, nkabela bantu boonse basama majiini aa bbulu, ngowani zipati. Bali

mukusola kupona mu—mu bukkalo bwakainda. Bali mukupona cintucimwi eco caka ponwa kaindi. Elyo Nda gambwa kaambo nco bacitila eco. Kuli cintucimwi mulimbabo cibabamba kucita eco.

⁷ Pele, nywebo mwabona, Ndi yeeya kuti eelyo ndepenzi aciimo cazintu zya Bunakristo, sunu. Tuli mukusola kupona mu bukkalo bwakainda kale, eco muntuumwi uumbi nca kaamba mu bukkalo bumwi. Elyo eco taci kobeleka ku bukkalo obu. Pele nceenzu kwalo kuti bayanda muzeezo umwi wacyianza cakaindi, cizyano cimwi casala ngoyanda boobole, na simbizi umwi weembela ng'ombe, cintucimwi, na cimbi mbuli eco. Elyo cintu eco cakasimpe muli mbabo, eco cibabamba kuyanda kujokela kuya, alo Makani mabotu. Ba yanda Makani mabotu mapya aasakatidwe, cintucimwi cakukkwanya buzuba buno, kuno lusakatizyo lubotu, a zilengwa zibotu a lwiiyo. Pele taba yandi Makani mabotu aakaindi, oko kuli cintu cakasimpe muli mbabo abo eco cibabamba kuyanda kujokela. Oko nko ceelede kuunka, kujoka kuli Eco. Pele mubusena bwa ceeco, bala jokela ku—ku cintucimwwi cimbi. Mpoonya cindi cintucimwi catondezegwa kuzwa kuli Leza, nceenzu loko, cilagambya kuli mbabo, a kutali mbuli milao yabo yakulilemeka, elyo—elyo taba yandi ku Ci tambula.

⁸ Taakwe muntu unga ucino jisi bulemu kuli John Wesley, Sankey, Moody, Finney, na Finney, Knox, Calvin, kufumbwa wa baalumi abo, kwiinda kufumbwa wesu to bakambausi abo balumba baalumi iba Leza, oyo uunga waba ku bantu abo. Pele, nywebo mwabona, tuya butanta. Ta tuli mu bukkalo obo. Umwi aumwi wabo wakabeleka mu bukkalo bwandeene a mu musela wandeene. Tu belekela Leza sunu mu musela wandeene kuzwa kuli eco ncoba kabede. Ikuti na kuli bwe juunza, ku yooba bukkalo bumbi, kuyooba Makani mabotu aambi ku bukkalo obo, buciyo unka aambele mane cintu coonse cikamaninine muli Leza, elyo Leza waba omwe antoomwe a ndiswe.

⁹ Lino, Nda yeeya cifumo ni Nda kabweza muzenge, tii Nda kalindila kubona Cilundu ca Malweza. Nda kacita kuunka kuya. Pele muzenge wangu muniini tii wakali cintu. Tii ndaka konzya kubona cintu. I zimvule zya busangu, a muntu waka jaigwa aa cilundu eco, mukuyandaula ngolide, alimwi ci—ci jisi malweza manji, ncobeni. Elyo mbuli mbo Nda kasola a muzenge wangu muniini, ku langa koonse, Tii—Tii ndaka konzya, konzya kubona cintu, nkabela zintu zyoonse zyakali kuyoosya. Mulizi na nco Nda kacita? Nda kakkala buyo zii kusikila zuba lyakazwa. Cindi zuba eelyo, lili mwaami wa mimuni yoonse, cindi nilya kapasuka, muzenge wangu muniini tiywa kabeleka cintu cili coonse, pele busangu boonse bwakamwaika. Nda kabona Cilundu ca Malweza kuti tiicakali ca busangu pe. Nda kali libambilide kweenda muli ncico, ku cibbutukizya makani lwangu, nkaambo mumuni oyo mupati, i zuba, lili ndi Ijwi lyakambwa ilya

Leza. Leza wakati, “Akube mumuni.” Elyo ndi Ijwi lya Leza lyatondezegwa. Elyo cindi niwa katondezuya, boonse busangu bwakamwaika.

¹⁰ Elyo Ndi yeeya kuti nje nzila sunu, oko nko Nda takamvwugwa kabotu aakati ka bakwesu, akube kuti Mumuni mupati, Mumuni mwaami. . . Kwiina mumuni uumbi. Kwiina mimuni iimbi yesu njo tupanga iyoina kumweka kubusena kuya sunu. Kwiina makani na masena manji buti amwi nge tuwaala, taakwe nco mukonzya kubona, mweelede kulanga moonya mu busyu bwa ncico kubona musyobo uuli oonse wa mumuni nokuceya. Eeli Zuba lila uzima, nkaambo ndi Ijwi lya Leza lyaka tondezegwa. Elyo Nda yeeya, cindi Ijwi lya Leza lyaka tondezegwa lyapasuka aatala lya malweza esu oonse, ayo mwaika. Mwabona? Tu yanda kuziba obo Bwini, na ndi oora nzi ndyo tupona.

¹¹ Elyo, bakwesu, twa kkala kuno, cifumo cino, mbuli tubungwe tunji twandeene, kwiminina tubungwe twandeene. Ta ndiyeeyi kuti eco nce cijisi makani.

¹² Nda kali kweembela ng’ombe, kutala mu Colorado. Nda yeeya ciindi ne Nda kali. . . twa kali kunga twa yobolola, mu Butololo, kubinga ng’ombe kutala mu Cisaka ca Arapajo. Nda kakkala awo, mazuba manji, a maulu angu kalengelela aatala lya cuuno ca lwija, a kulangilila sikulingula mbuli mbwa kali kubala ng’ombe ezyo mbuli mbo zyakali kwiinda mu luwaya lwakusunzya, kuzwa ku nyika iya muntu, kuya kutala mu cisaka.

¹³ Aimwi mpulasi mpati ya zivubwa, kubikka ng’ombe muya, zya keelede kuba, kukonzya kupanga bbelo lyacilyo ca bwizu, Nda syoma. . . kutali bbelo lyacilyo ca bwizu, cuulu cacilyo ca bwizu, Ndi yeeya kuti nzyuulu zyobile, ku ng’ombe, ciya mbuli kunji i–i Insangano iilanga Zyamakwebo mubusena obo inga yakulekela kunjila muya a, insimbi yako. Nkaambo, mu insimbi eyi nkabela mpulazi eyi ipanga cilyo ca bwizu bunji loko, mpawo inga wabikka ng’ombe kazicela kutala kuya mu cisaka. Eco cisaka tacikwe bwiindilizye ku ng’ombe, mpawo, alimwi kunji buyo bwa ku zimamela. Nkaambo, bantu banji inga kaba boola mukati. Elyo Nda kabona. . . Ya kali Nkamu ya Hereford iicezezya mu cisaka eco, mu cibeela ca ncico, Cisaka ca Arapajo. Elyo Nda kalangilila sikulingula.

¹⁴ Lino, swebo, zyesu zyakali kweenda canguzu ikwa turkey kwakaindi, Mukondo wa Turkey. I ciyanzikilo Cabutatu cakali atala buyo kuli ndiswe. Ba. Grimes bakali kubelesya bantu batandila ku kkumi abosamwe, wa kali jisi matanga akubwene ali mwaanda aa ng’ombe. Elyo twa kajisi ng’ombe zisyoonto kuya, abusena mpo Nda kali kubeleka, matanga aali myaanda yone na yosanwe. Pele Grimes baka njila ndiza ku matanga aali

myaanda ili kkumi aosamwe, kkumi alusele, wakali mungwala, Mungwala wa Diamond.

¹⁵ Elyo Nda kalangilila sikulangalanga. Wa kaima awo a kubala ng'ombe ezyo mbuli mbo zyakali kwiinda. Nywebo mulizi, taakwe naka bikkila maanu ku isimbi njo zyaka jisi ali nzizyo. Kwakali cintu comwe nca kalangisya, yakali impa ya bulowa mu kutwi, nkaambo zya keelede kulembwa Hereford kazitana konzya kucela. Oko nku kaambo kakubamba musyobo wakatati ntanisigwa. Mwabona, ng'ombe yako yeelede kutintanisigwa, moombe wako weelede kuzwa ku mucende wa musyobo wataka tintanisigwa. Elyo aboobo, kwamana ng'ombe zinji loko, yebo weelede kuba a mucende. Elyo zyoonse zila sanganisigwa antoomwe. Zyoonse zyeelede kulembwa kuba ng'ombe zya musyobo wakata tintanisigwa, musyobo uunjoloma. Yebo ulabamba bwako—bwako—bwako. . . bulowa buzunguluka mu mubili kabotu, mpawo, wa Nkamu ya Hereford.

¹⁶ Nda kayeeya, ziindi zinji, “Eyo nje nzila mbo kuyooaba ku Lubeta. Ta kalangi ezyo insimbi nzo tuno jisi, pele Uyo yandaula impa ya Bulowa, Jesu Kristo.” Iyo beleka.

¹⁷ Ikuti na twa kasola kubamba boonse besu, cifumo cino, Assembledisi ya Leza, ta tukonzyi kucita eco. Twa sola ku babamba Pentekoste Holinessi; inga tii twa cita eco. Twa sola ku babamba kuba Mabungano aa Kamantene; inga tii twa cita eco.

¹⁸ Pele kuli Busena bomwe nko tukonzya kuswaangana, toonse swebo, mbuli basyomi, nkuunsi lya Bulowa bwa Jesu Kristo. Elyo obo mbo busena bulikke Leza mbwa kasola kuswaanina muntu, na kusola kuswaanina muntu, nkuunsi lya Bulowa bwa Jesu Kristo. Oko nko tu jisi zintu zikozyenye.

¹⁹ Cainoino, Nda kali kubala awo banabukwetene bakubusyi mpo bakali kwandaana, elyo cakali cintu cifwisyansoni. Ba, ba kali kupona antoomwe kwa myaka misyoonto. Elyo kwiimpana kwaka boola aakati kabo, a mutumbu muniini, mulindu a mulumi makwe, bakali basikwandaana. Elyo bakali. . . I simulao wakali mulongwe wabo. Wa kati, “Lino, kakutanaba, twe elede kujana mutuumwi kutala kuya a kusambala zintu ezi, a kutola ezyo nzo mujisi. Ikuti na muyooba a kwaandaana, mpawo amwaabaule buyo lubono aakati kanu.” Ba kati bayo cita eco.

²⁰ Ba kanjila mukkalilwa; ba kakwankana, ba kalwana, azintu zyoonse zimbi, kuli eco cakali mukkalilwa. Ba kanjila mwakwiizizya, alimwi ba—alimwi ba kacita cintu nciconya muya, elyo mwakulida, a mwakujikila. Kumalekelo ba kayeeya, atala mu ngazi, kuti ba kajisi zintu zimwi zyaka yobwedwe atala awo. Aboobo boonse ba kaunka mu “kkotalyatala,” Nda yeeyela mbo baciita kuno; kujwe, mbo tu ciita, atala mu “ngazi.” Aboobo ba kaunka kutala kuya a kugusya bbokesi lyalubulo ilya

kaindi. Elyo ba kajisi zisani zimwi a zintu, cakuti, aboobo ba kali kutambika a kukwankana, ali *eci* a *eco*.

²¹ Elyo kwiinde kaindi, cindi ni bakabweza cintu cimwi, boonse baka tambikila ncico, a maanza abo aka jata maanza aumwi aumwi mbuli mbobakali kukwempa. Akali mabbusu aatuba masyoonto. Kwakali ku—ku muvwanda nkoba kapegwa luswaanano lwabo, pele wakali fwide. Kuya, kaba jatene maanza aumwi, umwi taka konzya kwaamba, “ngaangu,” aumbi taka konzya kwaamba, “ngaangu.” Ca kali cintucimwi ncoba kali aco antoomwe. Buyo kaindi kaniini, ba langana. Umwi taka konzya kwaataminina, alimwi aumbi taka konzya kwaataminina. Aboobo, bakali mu maboko aumwi aumbi, nkabela kulekana kwakalesegwa.

²² Ndi yanda kubona eco, swebo tobana Baptisti, a swebo toba Methodisti, a swebo toba Assebulisi, a ba Mbungano ya Leza, alimwi kufumbwa mbo tunga twaba. Inga twaba a zintu zyandeene koonse, a zintuzyonse mbuli boobo, oto ntunsiyansiya twa katu njizya muli eco. Pele kuli Cintu comwe motu kozyenye, mukwesu; Kristo, Walo ndi Ijwi. Ncencico nco tuli ano kucita; kutali kwaambaula zya kwiimpana kwesu, pele kwaambaula eco nco tujisi cikozyenye, Jesu Kristo.

Lino atu kombe.

²³ Taata Wakujulu, Yebo uli Taata wesu, twa Ku lumba, nkaambo sunu tulijisi bulangizi bwa Buumi Butamani, kwiinda mu bubuke bulelekedwe ibwa Jesu Kristo. Tula bona Mimuni yaku mangolezya kaimweka. I musamu oyo diingo ngo lyakasiya, camusokonya nco lyakalya; camusokonya nca kasiya, cisozi nco cakalya; elyo twa mvwisya kuti zyuuka ezi ncuuka comwe, buyo mu ziimo zimbi zya buumi bwaco. Elyo tula mvwisya kuti kwiimpana kwa mbungano cicili cuuka nciconya ca Roma yakale caka talikila ku Nicaea. Elyo eco cimwi nco casiya, cimbi calya. Elyo ciboneka, mbuli, sunu, kuti tuli mu lupyopyongano luli boobo, elyo lino kunjila i—i mu nkamu mpati, Nkamu ya Mambunga oonse aa Bunakristo, kuboneka kuti takukabi cintu ciyo syaala, bulangizi buli manide.

²⁴ Pele, amuyeeye, Ijwi litakakilwi ilya Leza, mbuli zuba mbulizwa ku tondezya malweza, mbubonya Wa kasyomezya, “Njo boozeyya,” mbwaamba Mwami, “myaka yoonse eco camusokonya nca kanyonyoona, a diingo, a zimwi zimbi.” Nzila mbo bayo boozegwa lubo, nkabela musamu oyo uyopona lubo! Twa lumba, Taata, kuti Uyo tuma luzyalo, a nguzu zya bubuke ibwa Kristo, kuti Yebo uuboozezye, kutubusya ku lusyomo luumi mu Ijwi lyuumi lya buzuba buno. Twa cilomba mu Zina lya Jesu. Amen.

²⁵ Nda anga jwi aniini, bakwesu. Elyo mukutaba mubambi wa bukanazi, pele ciindi buyo cakuba antoomwe, cakuti muyo bona nce Ndi pandulula, Ndili ano. Ikuti na mwa ndijata nke cita

cintu cili conse kunze lya Ijwi eeli a ceeco caka syomezegwa buzuba bunu, mujisi cikwelete cakuboola kuli ndime, mujisi cikwelete cakuboola kuli ndime a kundaambila. Pele mbuli mbo Nda amba, kuli cintu comwe nco tukonzya kuzuminana, ngu Kristo. Tuli mujisi mu bukozyenye. Wa katufwida toonse swebo. Tuli kungsi lya Bulowa obo.

²⁶ Lino, Ta ndili ano kutacita cintu pele kusola kugwasya umwi aumwi muntu, kuti bukkale obu bwa bantu bukabe busena bubotu loko kwamana lubukulusyo, nkaambo twa boola kuba antoomwe ku bukanze obu. Twa boola antoomwe nkambo kaceeci, ku—ku ba bazibana kabotu kuli umwi aumwi, ku ziba umwi aumwi kabotu, kuba a luswaanano kuli umwi aumwi. Ako nkekaambo nce Ndili ano cifumo cino, obo bwakali bukanze bwesu bwakuba a muswaangano oyu kuno, kutegwa tu zibane umwi aumwi.

²⁷ Lino, tula mvwisya kuti kwiinda mu makkalo oonse cakali munzila eyo. Akube cintucimwi ciniini cigambya cicitwe, na cintucimwi candeene, mulaba nkamu ya kulikozyanisya yakunyama kai Ci tobelu, mpoonya mulaba a misyobo yoonse ya malweza. Elyo ceelede buyo kuba boobo. Eyo nje nzila mbo ceelede kuba. Elyo zintu zilaambwa, kujatikizya Eco, ezyo zitali bwini. Tu lizi kuti mbo cakabede lyoonse.

²⁸ Jesu waka yeeyelwa kuba mwana wa musokwe. Ta kali obo. Wa kali munzila mbubonya Bbaibbele mbolya kaamba. Abo bantu baka Mwi ita kuti. . . Wa kali kutondezegwa kwa Ijwi lya Leza, lyabambwa antangalala.

²⁹ Elyo mula bona, ba kati, “Basikwiiya bakwe bakasika a kubba mubili Wakwe, bakabbadela basilumamba bana Roma.” Ba cisyoma eco. Pele tula syoma a kuziba, kwiinda ku Busyu Bwakwe bupona lino, kuti Wa kabuka kuzwa ku bafu, alimwi Uli ano a ndiswe lino. Tuli masimpe a kuziba eco. Ijwi lyoonse walo Ndya kaamba, a kusyomezya kwiinda mu makkalo, lya zulizigwa, ikuti na mwali langilila. Kwiina cintu cikonzya kucicita, Leza alikke. Tuli bazike Bakwe.

³⁰ Elyo lino Ndali kuyeeya, cifumo cino, kuti inga Njo bala buyo cibalo ciniini ca Lugwalo, a ku kanana kuli ndinywe bakwesu a bacizi kuno, kutegwa inga twaba a kuboola antoomwe aniini.

³¹ Oyo muuwo tauli muku ndigwasya kabotu atala awo. Nda. . . Mpaawa, mpaawa, kuli kabotu, amu cileke buyo cilikke ndyoonya eno, Mukwesu Roy, nkaambo Njo tola buyo maminiti masyoonto.

³² I myaka misyoonto yakainda, kutandila ku myaka iili kkumi ayosanwe, Nda kali kuvwima a muntu oyo wakali sikugela masusu, alimwi akwalo wakali musilisi wamalwazi aaku matende, nkokuti, kutenda zisutila kuzwa ku matende. Nywebo mulizi, ku ziindi ezyo zyabuyumuyumu kumvwisya, kwakanyina mali. Elyo sikugela masusu oyu mweenzuma, Nda

kali kukamuna masusu angu alimwi kajisi. . . Wa kali kugela masusu angu, mubwini, alimwi wa kajisi makwa aa kkuko. Wakati, “Billy,” kati, “yebo weelede ku. . . Nda kupa musamu musyoonto wakusanzya masusu a,” kati, “ujisi makwa manji loko aa bbaki lyako.”

Elyo Nda kati, “Ncibotu, Jimmy.”

³³ Elyo wakali kwaambaula kujatikizya kuvwima basilukobo, nkabela wa kasompokela kusule. . . Nda kali mweembeli wakwe; wa kali kuyiisya Cikolo ca Munsondo; wa kali muntu mubotu. Ku mvwisya eco nca kali kuyeeya oyu musamu wakusanzya masusu iwa Lucky Tiger Shampoo, ku waalila a mutwe wangu, elyo wakali mucelo ujaya mabbakitilia.

³⁴ Elyo Nda—Nda kasamide kasote mu cikambaukilo cangu, kwa mvwiki. Sunu, eco cicindipenzya, mwabona, eco buyo ciniini. . . Mwabona, lukanda lwangu lwa kumutwe wangu lucili lutete, nywebo mwabona.

³⁵ Elyo, peepe, eco—eco—eeco cili kabotu eno, nkaambo cakali masiku aya amamanino, nkabela Nda sikwa buyo.

³⁶ Mukaintu wangu waka nduulila kabeela ka masusu kakusama. Tii ndaka konzya kusama ngowani mu cikambaukilo, nku talemeka kuli Kristo. Ikuti na uyanda kusama ka heete kaniini, balaamba, “Yebo uyanda kuba bishop.” Elyo ndipenzi buyo. Wa ka kaulila ndime, pele tii Nda kasola kuba a camba cakukasama. Nda lombozya ni Nda kali jisi, pele Nse—Nse jisi. Pele Nda yoowa kuti inga catondezya cintucimwi, alimwi, nywebo mulizi. Elyo—elyo Njo cilekela buyo kucitika, Nda yeeyela.

³⁷ Elyo lino Ndi yanda kubala Lugwalo lumwi. Awo, Ijwi lya Leza tali kakilwi; lyangu liyocita. Pele Ndi yanda kuti muyeeye eci, kuti mu makkalo oonse kuteeti. . .

³⁸ “Leza, ku matalikilo, ndi Ijwi.” Walo lyoonse wakali Ijwi. Elyo *Ijwi* “muzeezo oyo watondezegwa.” Mwabona? Lino, mu kuyeeya Kwakwe, eco Nca kajisi, bukanze boonse, mukuziba mamanino kuzwa ku matalikilo, Wa kautondezya buyo mu Majwi, nkabela Majwi ayo ala yubununwa.

³⁹ Mbuli buyo zuba, eelyo ndi Ijwi lya Leza lyaka yubununwa. Wa kati, “Akube mumuni,” elyo kwakaba mumuni.

⁴⁰ Elyo kuli ciindi ca kwandaanya. Kwakali ciindi Leza na kandaanya mumuni kuzwa ku mudima. Wa kacita eco lyoonse. Kuli ciindi eco Nca kandaanya insi kuzwa ku nyika, na maanzi. Kuli kwaa- . . . Wa kandaanya Paulo a Barnabasi. Wa kandaanya Musa kuzwa ku Egepita. Mwabona, Ngu sikwandaanya lyoonse. Elyo kuli ciindi cisika. Bantu, baalumi babeleka milimo eyi, taba botelwi kucita eco, pele cileelede kucitwa. Mwabona? Kuli ciindi eco basikwiya ncoba kalyandaanya kuzwa ku bantu babo beni.

41 Paulo wakaya kuli Bamasi, kuzwa ku ba Juda, lukono lwa Leza. I ciindi cakasika nca keelede kucicita. Ba kaambaula zya kumulwana; pele wakapanga ijwi eelyo lyampuwo, “Tii ndaka sampaula cilengaano caku Julu.”

42 Elyo a Nda ambe eco cintu nciconya, mukwesu, mwabona, cilengaano ca sunu, mwabona, cilengaano ca cisyomezyo ca sunu, Muuya Uusalala mu—mu inyika. Leza waka syomezya kuti mu buzuba buno Uyo tila Muuya Uusalala aali ndiswe. Lino, Nda kaandulula cisi, koonse akoonse. Kwakali zitondezyo zya zigambyo, mbuli mbo mwakabona. Kwiina ciindi comwe zitondezyo ezyo nizya kasola kukakilwa. Zili bwini cancobeni, nkaambo ngu Leza. Makumi a zyuulu, zya zyuulu, zya zyuulu, nkabela kwiina comwe cazyo cinga cakakilwa.

43 Bala ciita kuti “dyabulosi.” Bala ciita zintu zyoonse. Bamwi baamba cintu cimwi a cimbi.

44 Pele Jesu wakati, “Ikuti na bakaita Simalela wa ng’anda, ‘Bezebule,’ ino cilainda buti mbo baya kwiita abo basikwiiya Bakwe?” Aboobo Jesu wakati, “Amulingule Magwalo, muli Ngawo muyeeya kuti mujisi Bumi Butamani; Nge Ngawo a Ndi lungulula.”

45 Lino, kutali kuti inga tiiba ndilungulula; Ndi muntunsi. Pele Mulumbe oyo wakamwaika, Ula lungulula Eco. Lino, Leza ta tumi cigambyo kuti atondeezye buyo kuti Ngu Leza. Leza utuma cigambyo ku kucita eci: kulungulula cintucimwi. I mulimo ula mwaika mu cigambyo, nkabela boonse. . . kwamana boonse businyama a zintu zi Ci tobelala.

46 Mbuli mbo Nda kabala Martin Luther, buzuba bumwi, kati, “Tee cakali cintu camakani asisidwe cakuti wa kali kukonzya—cakuti wa kali kukonzya kubweza a kukazya mbungano ya Katolika a kuta subulwa kuli njiyo. I cigambyo ca Martin Luther, cakali, wa kali kukonzya kuzunda kukwendelezegwa kwa kwiindilizya koonse oko kwaka tobelala lubambululo.”

47 Eco nce tweeledede kucita. Kuli zintu zyoonse ziyabuya, nkabela ezyo zibikka busangu kumbele lyanu bakwesu. Pele, amuyeeye, Mumuni wakasimpe, cindi Wa pasuka, Ula mwaya busangu boonse. Mwabona? Wa kapanga, ula ubausya busangu. Ula buyutulula. Elyo aboobo tu lizi eco awo cigambyo mbo cacitwa, nkamu yabantu bandeene lyoonse ilaya.

48 Musa wakacita cigambyo. Elyo mpaawo caka njila mu nkanda, Kora wakasoleka kwaamba, “Ee, lino, yebo usola kwaamba kuti nduwe olikke uukonzya kucita eci. Kuli bantu bambi basalala kunze lya nduwe.”

49 Nywebo mulizi eco cakacitika, embo na? Leza wakati, “Ko lyandaanya buyo kuzwa kuli mbabo.” Mwabona?

50 Mwabona, twa kali jisi eco lyoonse. Cindi cigambyociinda cacitwa, basikulikonzyanisa bala Ci tobela. Ci leelede kuba munzila eyo. Elyo kulikozyanisa oko nko kunjizya, ikuti . . .

51 Mbuli Congressman Upshaw. Wakauluka a ndeke kusika, masiku ainda, kuti abe mu muswaangano kuno. Wa kaponesegwa mu muswangano. Nyoonse mwa kamvwa. Lyoonse waka jisi bwaambe obu, “Yebo tokonzyi kuba cimwi eco ncotali mbubo.” Obo mbumbubo ncobeni. Yebo tokonzyi kuba cimwi yebo—yebo ncotali obo.

52 Ikuti na twa konzya buyo kuba mbuli nkamu impati yaba sikulizya zilimba zyandeene, inga twa tobela buyo bulile mbuli Mulembi wanyimbo mbwa Ilizya koonse, inga twa bona. Lino, twa—twa boola ku muzeezo oyu, cakuti oora ndyo tupona, ciindi eco nco tupona mo lino, cakuti twe elede kuboola ku kasena oko nko tulangilila Leza.

53 Cindi nywebo no bakwesu nomwa katalika lutaanzi, basikubambulula banu, mulimo wa pentekoste, myaka minji yakainda, cindi kuboozezya kwa zipego, kwaambaula mu myaambo, a zintu kazinjila mu mbungano, Leza kaboozya zipego mu mbungano. Nywebo mula yeeya, nyoonse mwakali jisi lubambululo, anywebo. Bamauso bakacita. Ca kali ciyumu kuzwa ku muna Prebysteria, Lutherani, Baptisti, azimwi zimbi, mu lubambululo olo. I ba Nazareti bakali mukusyuuka kwabo mu ziindi ezyo, abalo ba Piligrimu Holinessi mboba kabede; ba kaka mulumbe wako. Ncinzi caka citika kuli mbabo? Nywebo mwabona awo mpo babede sunu? Lino, amuyeeye, tula konzya kucita cintu nciconya. Oh, inzya.

54 Cindi mbungano niya kasola kuba kabunga, mulumbe kusola kuba kabunga, taicikwe ncito a kuta buka alimwi. Lino, nywebo no basimakani aakale ano; Ndi lizi umwi wa ndinywe, mwabona. Elyo mbo mbubo. Taakwe niya kabuka alimwi, cindi niya kaba kabunga.

55 Bunakatolika bwakali kabunga kataanzi; kategwa, mu Bbaibbele, “sikuvuula,” waa kali, “I BANYINA WA BASIBWAAMU,” cintu nciconya, tubungwe. Nywebo mwabona oko coonse nko cimanina alimwi, kutala awa mu Nkamu ya Mabungano aabunakristo?

56 Lino Nda tandwa nkaambo ka eco, aakati ka tubunga. Balo bakwesu taba mvwisyi nco bali mukucita. Ta ndili ndime; Ta ndi tandidwe. Bali mukutanda Ijwi. I Bbaibbele lyakati, mu Bukkalo obu bwa Laodikeya, kuti Kristo wakali abusena bwaanze lya mbungano, kakonkomona, kusola kujokela mukati. Kwakanyina bukkalo mbuli obo; abusena bwaanze.

57 Nkaambo, taku cikabi limbi makkalo aa mbungano. Obu mbobwa mamanino abo. I Laodikeya yakali bukkalo bwa mamanino, nkabela Pentekoste Mbukkalo obo bwa Laodikeya,

nkabela tu lizi obo, takukabi limbi aatalalya Pentekoste. Nce ncico.

⁵⁸ Mbuli mwaalumi. Uumbi, taakwe cilenge cakasola sumpuka kuzwa kubweende bwa kutalika kwaco, kusumpuka kuba mu musyobo waatala maningi kwiinda—kwiinda muntu, nkaambo muntu uli mu cinkozya ca Leza Oyo waka mulenga. Takukabi cintu cisumpukide maningi. Eci ngu. . . I Ijwi inga tiilya cilekela kuti kaciciya ambele, nkaambo Walo ndi Ijwi.

⁵⁹ Elyo akwalo Ijwi talikonzyi kutanta aatala aa Bukkalo buli boonse bwa Mbungano ya Laodikeya. Elyo tula bona, limwi alimwi, kuya. Jesu kali abusena bwaanze lya mbungano, kasola kujokela mukati. Mwabona?

⁶⁰ Eco ncencico ncoba ka Mu citila cindi Na kali ano, lutaanzi. Walo ndi Ijwi. Elyo, Ijwi, Wa kali Ijwi. Ba lati, “Tuli jisi Ijwi.” I ba Farisi bakati, “Tuli jisi Ijwi!” Pele, Ijwi lini lyakasimpe, bakali ku Li kaka.

⁶¹ Ako nkekaambo Jesu ncakati, “Amulingule Magwalo, Nge ngawo a Ndi lungulula.”

⁶² Sunu, inga twa cebuka a kwaamba, “Bakali boofu buti maningi?” Ndalibuzya ikuti, ciindicimwi, sa tatuko cebuka a kwaamba, “Mbobuti mbo *tuli* boofu maningi?” Mwabona? Mwabona? Ci leelede kuba nzila eyo, bakwesu. Nci byaabi loko, pele ceelede kuba obo. Utaambi kuti “cibyaabi loko,” Ta cipandululi kuba nzila eyo. Leza ulizi eco Ncali mukucita. Mwabona? Ta ba citi, ta. . . Lyalo ndi Ijwi ndobali mukukaka, Ijwi lyabambwa kuba mu mubili wabuntu, cisyomezyo eco cabambwa kuba mu mubili wabuntu, cisyomezyo ca buzuba buno. Elyo kaambo nce cicitwa, nkaambo bantu bapona mu kubalama kwa mumuni uumbi.

⁶³ I bubbi bupati maningi bwakasola kucitwa, bwakali mu England, kutali ciindi cilamfu cakainda, bwakacita ku mumuni wa bubeji, bubbi bwa madollar aali mamilioni aali ciloba. I nyika taina sola kumvwa bubbi buli boobo, Scotland Yard tiya kakonzya kujata makani abo. Obo bwakali bubbi bupati maningi nyika mboya kasola kuba abo, bwa kacitwa ku mumuni wa bubeji.

⁶⁴ A Nda ambe eci, bakwesu, a luyandisyo mu moyo wangu lwa muntu. Leza ulizi eco. I bubbi bupati maningi mbungano mboya kasola kuba abo bwakali bwa mumuni wa bubeji, abwalo, kupona mu kubalama kwa bukkalo bumwi bumbi. Eco Luther, Martin Luther, Wesley, na eco bamwi besu bamatata iba Pentekoste bazwide ncoba kaamba. Mwabona? Eco tacili sunu. *Nceeci* cisyomezyo ca buzuba, ndeeli Ijwi. Elyo mwati, “Ee, wa Li pandulula buteelede.” Leza ngu sikupandulula Lwakwe Mwini, cindi Na Li tondezya.

⁶⁵ Ino kuti ba kaambila matata aa Pentekoste kaindi kuya, myaka ili makumi osanwe yakainda, kuti baka jisi Ijwi lyaka

pandululwa buteelede, kwiina cintu mbuli kwaambaula mu myaambo? Tee baka ciiminina nji. Leza waka pandulula Ijwi Lyakwe Mwini. Petro wakati, aa Buzuba bwa Pentekoste, “Amusanduke, a kubapatizigwa mu Zina Iya Jesu Kristo kuti mujatilwe zibi zyanu, nkabela muyo tambula cipego ca Muuya Uusalala. Nkambo cisyomezyo cili kuli ndinywe, a ku bana banu, kuli baabo bali kulaale, abalo boonse mbuli Mwami Leza wesu mba yoita.” Mbobuti mboba kalino zwa kuli eco? Lya kali pandulula lini. Mwabona? Tali yandiki bupanduluzi.

⁶⁶ Elyo, sunu, bukkalo obu mbo tupona lino, kuli Samu Iya Nabwiinga liboola. Mwabona? Nkasimpe, Samu Iya libonya.

⁶⁷ Elyo balo, mbo bakaba kabunga buyo, tiiba kacili kukonzya kutaamuka kuyaambe. Elyo ncinzi cicitika? Ba laba kabunga a kuunka ku ntabi eyi, mpawo ntabi yakokolwa. Kwendelana ku Musalali Johane, capita 15, Ula ikokola. Taici belesegwi limbi.

⁶⁸ Pele mu moyo wa Samu eelyo kuzyalwa mucelo, nkoonya aatala Iya ndilyo. Cindi Samu Iyasima kumaninina, tali cikonzyi kuya ambele; mpoonya aatala. I bukkalo bwa mbungano ibwa maminino buli ano. Bwa boola mukusima kuzwide. Ngu Samu Iya Nabwiinga. Jesu wakali Samu Iya Buumi kuzwa ku muunda wa Edeni. Sena mula syoma eco? [Mbunga yaamba, “Ameni.”—Mul.] Wa kali Samu Iya Buumi.

⁶⁹ Kwakali samu mu muunda, nkabela umwi wayo wakali, ikuti na wa uguma. . . Lino tu jisi kwiimpana ali oyo, aboobo Nsi kounjila pe, pele atwa ambe kuti Iyakali samu Iyakutamvwa. Elyo mbobaka gumina buyo samu eelyo, bantu boonse ba keelede kufwa. Elyo Ba kabatantamuna kuzwa ku Samu eli limbi; nkaambo, ikuti noba kalya eli Samu Iya Buumi, boonse niba kaponi, kuziba kuti cili luleme kuzwa ku bubu. Mbo mbubo. Nywebo mulizi eco, mbuli bakambausi. Tuli jisi mizeezo aali eco, alimwi antela inga twaimpana obo samu mbo Iyakabede.

⁷⁰ Pele tonse inga twa ziba kuti Kristo ngu Samu eelyo Iya Buumi. Nkambo, buzuba bumwi ku jubili kuya, cindi niba kalikunywa a kusekelela, Jesu wakaamba kujatikizya Maanzi, Wa kati Wa kali “Mwaala oyo wakali mu nkanda.”

Ba kati, “Bamatata esu bakalya manna mu nkanda.”

⁷¹ Elyo Wa kati, “Elyo balo, boonse babo, balifwide. Pele Ndili Cinkwa ca Buumi, ameni, eelyo Samu Iya Buumi liselukila aansu kuzwa kwa Leza ikuzwa ku Julu. Oyo uulya obu Bu- . . . Cinkwa eci, taka fwi pe.” Eco Ncinkwa ca Buumi.

⁷² Lino, kusabula kuzwa kulincico, ba Roma baka Mwa anzika aa samu. “Ula lutuko oyo waanzikwa aa samu,” kubamba kusabula kuzwa ku Mwana aa Leza. Waka sampaulwa, waakakwa. Wa kazwa ku bulemu bwa ku Julu, a kuba uubaukide aa nyika. Cindi Na kali ano, Wa kaunka ku muunzi wabaubaukide maningi. I muntu muniini maningi mu muunzi wakacita kulanga ansi kuti a Mu bone; Zakayo. Wa kapegwa

zina lyubaukide maningi. Wa kalanganisigwa bubyaaabi kwiinda, a kwaanzikwa aa i . . . kafwa lufu lwalunya maningi olo lukonzya kufugwa. Eco ncencico bantu ncoba ka Mu yeeyela. Eco ncencico nyika ncoya ka Mu yeeyela.

⁷³ Pele Leza waka Mu sumpula mujulu loko mane Wa kalanga ansi kubona Julu; ka Mupa zina lila tala ku zina lili lyoonse, akuti zintu zyoonse ku Julu aansi zyulikidwe kutobela Nguwe. Eco ncencico Leza nca kayeeyela a ncico, mwabona. Ikuti na tuli bana ba Leza, bube bwa mizeezo Yakwe kakutanaba ntalisyo ya nyika, tuyo yeeya mbubonya kuli Nguwe. Elyo amuyeeye, bakwesu, Walo ndi Ijwi. Mwabona? I Mulumbe lyoonse utobela cigambyo.

⁷⁴ Jesu, mbuli rabi mukubusyi, mbuli Mbwa katalika kukambauka, kuponya balwazi, bantu boonse bakali ku Mu yanda mu mbungano zyabo. Nywebo mulizi eco. Pele eco cakali buyo cigambyo, eco Nca kajisi, nca tondezya, Wa kajata meso aa bantu. Pele buzuba bumwi Wa kakkala a kutalika ku baambila, mpaawo kwa kaboola mulimo wakatobela cigambyo, mpawo taakwe muntu wakali ku Mu yanda mpawo. Ncibyaabi loko, pele cila—cila liloolola cini. Muyo mvwisya kuzwida awo lyonse.

⁷⁵ Atu bale mu Bbaibbele lyakale lilelekedwe awa, aniini buyo, ku mubandi muniini buyo cifumo cino, Mwami nawayanda, atu bale kuzwa ku Bbuku lya Joshua, capita 10, a kutalikila a 12, kampango ka 12.

⁷⁶ Elyo ino nciindinzi nco tu zwa kuno? Ino nciindi nco tweelede kuzwa kuno? [Muntuumwi waamba, “Kwiina ciindi cibikkidwe.”—Mul.] Kwaamba, ee, Njo amba mu maminiti aali kkumi aosanwe, na makumi obile. Sena oko kunooli kunji? Sena kunooli kabotu? Ncibotu, kaindi buyo kaniini. [“Kwiina ciindi cibikkidwe.”]

Mpawo Joshua wakati ku MWAMI mu buzuba cindi MWAMI na kaaba ba Amori kunembo lya bana ba Israyeli, elyo wa kati mu meso aaba Israyeli, Zuba, koima nji, koima ku Gibeoni; elyo, Mweezi, webo mu kkuti lya Ajaloni.

Elyo zuba lya kaima nji, a mweezi wakaima, kusikila bantu bakaliya nkoto kuli basinkondo. Sa taku lemedwe mu bbuku lya Jasara? Aboobo zuba lya kaima nji aakati ka julu, nkabela tee lyaka fwambaana kubbila kutandila buzuba boonse.

⁷⁷ Lino Njo bweza cibalo buyo cisyoono kuzwa kuya, nkaambo Nda mwaambila Njo . . . konzyi kubamba mubandi, pele Ndi yeeya kuti mula mvwisya eco nce Ndi pandulula, kwa lino. Elyo Ndili ano kubeleka antoomwe a ndinywe, ku mugwasya, kubindaanina Jesu Kristo. Kutali kubindaanina kabunga, kutali kubindaanina bantu be nyika; pele kubindaanina Jesu Kristo, Walo uli nkutondezegwa kwa Ijwi lya Leza, Leza watondezegwa.

Kutali buyo muntuumwi kupandulula; Leza kacita bupanduluzi Bwakwe Mwini, Leza katondezya mbo cibede. Ula tondezya obo Mbwa bede. Ikuti na ba Farisi niba kabona buyo eco, ikuti niba kakonzya buyo kubala Lugwalo awo Mpo lwa kaamba zintu ezi, kwalo niba kabona Leza kuti wakali kutondezya Ijwi Lyakwe kwiinda muli Jesu Kristo. Wa kali Ijwi, nkabela Walo ucili Ijwi.

⁷⁸ Lino ciiyo eci Ndi yanda kutola maminiti atandila ku kkumi aosanwe, nkabela Njo sola bweza kukanana kwangu. . . Nda panga mateepu, mbuli mbo mumvwa nyoonse, maora otatwe a onse. Pele pele eco tacili ku mulao, mwabona. Elyo mu mabungano anu, Nda sola kubamba ku kanana kwangu, kwa masiku, kutandila maminiti ali makumi otatwe, kutegwa inga Nda aba aa mundando wa mipailo, a kutapa bantu kukatala maningi, mpawo kujoka. Ndili masimpe mula botelwa eco maningi. Nda kali kunga nditola maora a kunjila aa ileveni theeti a twelufu, elyo eno Nda sola a kubamba kuswaangana kwangu kutandila maminiti aali makumi one aosanwe kusikaku oora.

⁷⁹ Ndi yanda kubweza ciiyo awa ca: *Cikankamanisyo*, ibbala buyo, i cikankamanisyo.

⁸⁰ Elyo Tii ndazi kuti Ndi yoolya kalimbabula. Kanji nco tucita, pele Nda yeeya kuti ndiza inga kwaboola kutandila ndiza mu Mujibelo, na cintucimwi mbuli boobo. Elyo Mukwesu Borders waka ndaambila, masiku ainda, mukumuka, kuti kuyooaba cifumo cino, aboobo Nda lembalemba buyo Magwalo masyoonto awa ayo nge Nda yeeya kuti Ndiyo aamba kwa maminiti mace.

⁸¹ Lino, *cikankamanisyo*, Webster wamba kuteeti “ncintucimwi citakwe busyome, pele nca kasimpe.” Eco ncintucimwi muntuumwi ncata konzyi kupandulula. Cili aanze lya cilao ca luzibo ku mukowa wabantu, pele nekubaboobo cili kasimpe. *Cikankamanisyo!* Elyo eno tujana kuti, ikuti na mwabala mu—mu ba Hebrayo, capita 11 a kampango ka 3, kuteeti nyika eyi lwayo ncikankamanisyo.

⁸² I mvwiki zisyoonto zyainda, mu miswaangano yesu mu Dolopo lya New York, Nda kazwa busiku bumwi kuzwa mu Buyake bupati bwa Morris, elyo twakali kuselemuka kagwagwa, mwana wangu a Mebo. Elyo twa—twa kalanga ku bantu, nkabela kwakali zyuulu buyo, a bantu kaba jisi masusu mbuli banakazi, nywebo mulizi, eco nco baita kuti kuswayaswaya, elyo—elyo macoco, akusama malegotadi; a—a bana bamakuwa a basiya, nywebo mulizi eco nce Ndi pandulula, baalumi a banakazi antoomwe. Elyo—elyo balo, elyo balo. . .

⁸³ I mwanakazi mucete wakawida mu kagwagwa, taakwe muntu waka mubweza, baka zumanana buyo. Elyo Nda kamugwasya kubweza mafuleenke akwe, a kubweza mbuli boobo, mucembele uutandila myaka iili makumi ali ciloba

yakukomena. Elyo—elyo waa ka ndilanga cabweenzu loko, nkabela wakaselemuka kweenda mu kagwagwa.

⁸⁴ Nda kaambaula kuli namutekenya wa takisi kujatikizya ncico. Wa kati, “Badaala, cindi muntu uuli oonse aboola ku New York, a kulilemeka mbuli kuti bali mu kuyeeya kwabo kukkwene,” wa kati, “tu lizi kuti oyo mweenzu.” Mwabona? Kati, “Balo mbantu babotu,” kati, “pele banjila buyo mubweende obo.” Kati, “Yebo wabweza muntu oyo uboola kuno, taci toli ciindi cilamfu ulaba mu ciimo nciconya. Ula boola kuno, kusola kucita zintu zyoonse.” Kati, “Yebo inga walala awo a ku fwida mu kagwagwa ako, mu kulwanwa kwa moyo, muntu umwi inga wayeeya kuti wakali koledwe. Inga tee bakuguma pe; bala kulekela kulede awo a kufwa.” Mwabona, taba yandi lwabo kuba mu nzila eyo. Nku njila buyo mubweende.

⁸⁵ Elyo eyo nje nzila mbo tu cita, bakwesu, mu buumi bwesu bwa cikombelo. Tula njila mu bweende bwa kansiyansiya kamwi, na cintu cimwi, elyo awo tula kkala. Mwabona, tula njila mubweende abamwi babo. Tula njila mubweende a kabunga kesu.

⁸⁶ Tula njila mubweende a bantu besu bwa bukkale. Nca bulenge buyo. Wapenta matantilo ako a mubala uusubila, nkabela langilila eco simukobo nyoko ncacita. Bayo cicita, abalo. Uh-huh. Umwi wanu no bacizi ajane musyobo umwi wa dressi, na ngowani, nkabela langilila eco basimukobo nyokwe nco bacita. Mwabona? Nkuli—nkuli kozyanisiya. Nciindi ca kukozyanya.

⁸⁷ Ta tukwe makani naa malukwe esu alakozyanya a majakete esu. Tu yanda kuti luzubo lwesu lukozyanye a Ijwi, mwabona, a Leza.

⁸⁸ Pele ka tweenda kuselemuka kagwagwa, Billy waka ndaambila, kati, “Taata, mbobuti Leza mbwa sola kuziba boonse kuti mbaani?”

⁸⁹ Nda kati, “Ncibotu, mulombe, kolanga nkoonya kugama ku milengalenga.” Elyo Nda kati, “Wazibona nyenyeezi ezyo zyobile ziniini kutala kuya, kutandila kuba antoomwe na?”

“Inzya.”

⁹⁰ Nda kati, “Ikuti na imwi yazyo, sayansi ila twaambila, ikuti na imwi yazyo yatalika kuya ku nyika, ku mamaile aali milioni mu oora, inga yatola myaka ya mamilioni kusika kuno. Obo mbo cili kulaale. Elyo nekuba nyenyeezi ezyo zyobile zili mumsi oko kuli imwi aimwi kwiinda mbo tubede ku nyenyeezi, na antela tuli mumsi loko ku nyenyeezi kwiinda mbo zibede, kuli ndiswe.”

Wa kati, “Mbobuti Leza mbwa sola kucicita?”

Nda kati, “Walo mupatikampatila.” Mwabona?

⁹¹ Twa kamvwa kwiiya kuzwa kuli Einstein, kujatikizya obu bupange bwa mabbilioni aanyenyeezi magasi alusuko a

cikamu ca nyenyeezi. Elyo wa kati, “Ikuti i—i muntu wasola kuzwa kunyika. . .” Umwi wa mibandi yakwe mupati, imwi yamamanino. “Ikuti muntu wakonzya kuzwa ku nyika ku lubilo lwa mumuni, olo myaanda iili lusele a . . . mamaile aali zyuulu zya mwaanda a makumi ali lusele acisambomwe mu kavwaluvwalu komwe; mamaile ali zyuulu zya mwaanda a makumi ali lusele acisambomwe ku kavwaluvwalu komwe, a kweenda kwa mumuni mu mwaka ku mamilioni ali mwaanda a makumi osanwe, inga wasika kuya. Elyo mpawo inga camutolela myaka ya mimuni iili mamilioni aali mwaanda a makumi aali osanwe kujoka.” Eco inga caba myaka minji loko ya mabbilioni, inga weenda imbali ku bulamfu loko kuzunguluka nyika a kuta ilesya kubeleka, mu kwaambaula zya myaka. Sena mulizi mbo kuli kulamfu mbwa kazwide ku nyika? Myaka ili makumi osanwe, mu ciindi cesu.

⁹² Ino tuli mukubinda kuli boobu! Ino ikuti kanyenyeene katalika kweenda kuzwaku Tucson, ku bola kuno ku Bakersfield, mbulamfu buti mbo muyeeya kuti inga keenda mu myaka iili makumi one? Antela cisela ca maile. Mwabona, caamba kunji loko kuli nkano; kuli ndiswe, ca kaamba kweenza maora aali kkumi aobile; ndeke ya jeeti, ntuvwaluvwalu buyo tusyooonto; kuli Leza, taakwe.

⁹³ Jesu wakafwa ijilo isikati, Wa kabambulwa. Paulo wakafwa ijilo. “Myaka ili cuulu mbuzuba bomwe kuli Leza,” mbuli mbo cakabede, akwalo kutali eco, pele ikuti na muyanda kubala ciindi. Aboobo baapostolo abo, a zintu, zya kafwa ijilo. Tuli mu kubinda; tu jisi buyo ciindi ciniini loko cakukkala ano. Mpawo mula yeeya, cindi mwa langa ku Butamani. . .

⁹⁴ Einstein, silwiiyo mupati wazilengwaleza wakati, na muna sayansi mupati wakaamba, kuti, “Kuli nzila buyo yomwe ya kuyeeya kabotu ku kupandulula matalikilo a nyika eyi, ya kajanwa mu ba Hebrayo, capita 11 a kampoango ka 3, ‘Ku lusyomo tula mwva kuti Leza wakayaka nyika, kuzwa ku zintu ezyo. . .’ Wa kayaamba kuti ilengwe.”

⁹⁵ Mbobuti mbo liima mu milengalenga, a kutazwa mu mukondo walyo? Obo zintu zyoonse ku julu, a eco cikamu ca nyenyeezi, ikuti na imwi ya nyenyeezi ezyo yaputa. . . Ndi lizi mula inka masiku a kwaamba, “Nda bona nyenyeezi kaiyasa.” Peepe, mwabona mumuni wabube bwaciindi. I nyenyeezi taiputi pe. Ikuti na yaputa, inga twa puta anjiyo. Zintu zyoonse ku julu zili mu lumvwano maningi, zila jatana cimwi kuli cimbi antoomwe.

⁹⁶ Ino kuti mukowa wabantu bakonzya kuba nzila eyo, kujata mbungano antoomwe? Cakuti inga toonse twaba mu lumvwano ku Ijwi. Mwabona? Nzila yomwe luzutu, amulekele Leza abe sikupandulula Lwakwe Mwini, nkabela tuyo cita. Mwabona? Leza ngu sikupandulula Lwakwe wa Eco.

⁹⁷ Lino tujana kuti muli eci ncikankamanisyo ncobeni. Kwiina kuzumbauzya pele kuti kuli cimwi ca zikankamanisyo cipati. Lino, kwakali zikankamanisyo zinji, mbuli mbo tusika. Zintu, ta—ta cikwebusyome, pele nekubaboobo nkasimpe.

⁹⁸ Mu mazuba akwa Nowa, amuyeeye, teeya kawide mvula aa nyika. Kwakanyina cintu cili boobo mbuli mvula. I inyika yakaima, nji, kweelena buyo a zuba. Kwakali kutasyoma a kutamvwa kwa kaigusya mu ncililano, kwiipa kuyaama kusule, a kupa muwo uupya autontola kuleta busi kuzwa ku maziba aa lwizi, a kupanga mvula. Teeya kawide aa nyika. Elyo mpaawa kwaka yutuka muntu, kwamba kuti iyoowa mvula. Cintu ceenzu, pele lyakali Ijwi lya Mwami. Oh, inga Nda mvwa sayansi. . .

⁹⁹ Yebo wati, “Ee, lino, mbobuti mbozi kuti baka jisi sayansi?” Ba kayaka mapiramidi mu mazuba ayo. Ta tukonzyi kwaayaka sunu. Peepe. Ta tujisi cakubelesya. Ta tujisi zintu zya kwaayasya, alimwi ta tujisi mincini ya kunyamuna myaala mipati eyo kutala oko. Ci cili makani asisidwe, ku inyika. Baka ciyaka.

¹⁰⁰ Jesu wakati, “Mbubonya mbo cakabede mu mazuba akwa Nowa, mbo mbubo mbociya kuba mu kuboola kwa Mwana aa muntu. Mbubonya mbo cakabede mu buzuba obo, mbo mbubo mbociya kuba mu kuboola kwa Mwana aa muntu.”

¹⁰¹ Elyo, bakwesu, ku cintu ciniini eco nce Ndi konzya kusyanikizya mukati awa kwakaindi buyo kaniini. Petro waka cibalulula, muli Petro Mutaanzi, wa kati, “Mwalo omo bantu bali lusele baka futulwa ku maanzi.” Bantu bali lusele! Ino njanzi Nkamu ya Mabungano oonse aabunakristo ajisi makumi a mamilioni? Mwabona, eco taci futuli. Ndi Ijwi. Leza ulafutula. “Bantu bali lusele bakafutulwa ku maanzi, mu mazuba akwa Nowa.”

Amulange abo baka futulwa mu mazuba akwa Lota.

¹⁰² Amulange eco caka manina mu lweendo kwiinda mu nkanda; bobile, Joshua a Kalebi. Mwabona?

¹⁰³ “Mbubonya mbo cakabede mu mazuba akwa Nowa, mbo mbubo mbociya kuba mu kuboola kwa Mwana aa muntu.”

¹⁰⁴ I bukkalo bupati bwa sayansi! Mwabona? Elyo, kwiina kuzumbauzya, bakali kukonzya kudubula mu milengalenga a kwaamba, a reda, a kwaamba, “Taakwe maanzi kutala kuya. Ino izwa kuli?”

¹⁰⁵ Leza wakati, “Iya kubako.” Oko kwakali kubotu kukkwene. Elyo Nowa wa kacisyoma, alimwi waka futula beng’anda yakwe.

¹⁰⁶ Amuyeeye, Leza ulasoleka bantu Bakwe abo basyoma Ijwi Lyakwe. Oko Leza nkwabede, lyoonse kuli cikankamanisyo, nkaambo Ula cita zintu ezyo zitakwe busyome ku kuyeeya kwabantu. Sena mwakalizi eco? Toonse tu lizyi eco. Citakwe

busyome ku kuyeeya kwabantu! Elyo Ula soleka bantunsi abo basinsima cikankamanisyo eci. Ula bapa masukusyo.

107 Kwiina Na siya na kucinca nzila Yakwe. Leza tacinci ciyanza Cakwe. Sena mulizi eco, bakwesu? Masimpe, mula cita. Ta cincici ciyanza Cakwe. Ula cibamba lyoonse kuya mu kuzumanana, nzila Mbwa katalika.

108 Ta beleki a inyika, buyokunsi lya kukambauka, a muntu omwe, Nowa. Ta kajisi bone ba kuunka kumusanza a kuyo bavuna, na kabunga, mu mazuba akwa Musa. Ta kajisi bobile aa nyika ku ciindi comwe. Umwi aumwi wesu ulandeene kuzwa kuli umwi aumbi, bubambe bwesu, bwaku masyu, bupange bwesu. Leza ujata buyo . . . Koonse Nkwa yanda muntu omwe oyo Ngwa konzya kwendelezya; uli mukozyano Wakwe. Wa kacicita kwiinda kuli Musa. Wa kacicita lyoonse.

109 Cindi Eliya a Elisha nobakali aa nyika, boonse tee bakakonzya kukkala ku ciindi comwe. Umwi waka tolwa, aumbi umbi waka bikka cikobela cakwe aali nguwe.

110 Cindi Johane naka boola aa nyika, Wa kali kutondezegwa kwa Ijwi lya Leza ku oora eelyo. Tu lizi eco. Wa kali kutondezegwa kwa Ijwi lya Leza. Ku kaambonzi? Isaya wakati, “Ku yooba jwi lya umwi woopolola mu nkanda.” Malaki, musinsimi wa mamanino, kati, “Amubone, Nda mutumina mutumwa Wangu kumbele lya busyu Bwangu, kubamba nzila kumbele lya bantu.” Lino, oyo taakali Malaki 4; oyo wakali Malaki 3. Johane wakali Eliya wa Malaki 3, kutali Malaki 4.

111 Nkaambo, cindi Malaki 4, cindi cisinsime eco ca libonya, nyika yeelede kuumpwa a kupya kupati, nkabela balulami bayo enda mu Mileniamu, atala lya itwe. Elyo kwiina nocaka citika mumazuba akwa Johane.

112 Muli Matayo 11, tu jana kuti cindi Johane naka tuma basikwiya kunselelo kuya oko . . . Johane wakacitila Jesu i—i bulemu bwa kweelelezya obo mbwa kali kukonzya, na kamana kale kubona citondezyo aali Nguwe. Elyo wakati, “Ngo Nguwe. Wa ka ndaambila mu nkanda kuyo bapatizya mu maanzi, wakati, ‘Ali Oyo ngoya kubona Muuya kuseluka ansi a kukkalilila, Uyo bapatizya a Muuya Uusalala.’” Wa kati wa kali masimpe kuli eco. Wa kabona citondezyo. Mpoonya kumane kuyabaala kwa meso aakwe aa sikwaze, kunselelo mu ntolongo, wa kati, “Kamuya muka Mu buzye ikuti na Ngo Nguwe ncobeni, na ngumbi.” Oko kwakali kuziluka Ijwi.

113 Pele Jesu wakalizi eco. Wa kacitila Johane bulemu bupati. Wa kati, “Nguni ngo mwakainkila kuyo bona, muntu uusamide zikobela ziteteete? Taba jati panga. Ba myonta bavwanda a kuzikka bafu, bali mu maanda a bwami.” Kati, “Ncinzi nco mwakainkila kuyo bona, itete lipeka ku muuwo uuli oonse?” Cindi kabunga komwe nika kamupa kunji aniini kwiinda

kambi, na bukkale bumwi bwabantu, uyo inka ku bukkale obo bwabantu nkaambo. . .? Kutali Johane.

¹¹⁴ Kati, “Ino mwakainkila kubona nzi, i musinsimi?” Kati, “Nda mwaambila, nkabela mupati maningi kwiinda musinsimi.” Mbwa kabede. Wa kali mutumwa wa cizuminano. Wa kali cisitilizyo. Wa kali mbaakani akati ka mulao a luzyalo. “Ino mwakainkila kuyo bona nzi, musinsimi? Elyo Nda mwaambila, kwiinda musinsimi.”

¹¹⁵ Wa kati, “Wa kali mumuni ubalama a kumweka, wa ciindi.” Nkaambonzi? Wa kali Ijwi lyakaba mumuni. Wa kali Ijwi lyaka tondezegwa.

¹¹⁶ Mpawo cindi Na kaboola aa cilao, wa kati, “Nde elede kucesegwa; We elede kukomezegwa.” Bobile babo tiiba kakonzya kukkala ku ciindi comwe. Johane wa keelede kuunka; Jesu waka caala. Mwabona? Cili mu nzila eyo lyoonse.

¹¹⁷ Leza wakacita eco mu mazuba akwa Nowa, elyo tu jana kuti eco cakali cigambyo. Ca kali cintucimwi, ee, ca kali cikankamanisyo, cakuti Leza waka impausya bwaato obo; cindi nyika yoonse niyakali kupilingana, ku mayuwe antela mapati loko kwiinda malundu aa sunu. Cindi nibwa kapola kuzwa kuli. . .Cindi nyenyeezi ezyo ni zyakajoka, na kufumbwa cintu caka citika, alimwi nyika eyo yakazwa mu mukondo wayo, ya kapola lwayo kuya, elyo mayuwe ayo mapati; cakali cikankamanisyo ncobeni cakuti ako kaato kaniini ka kaindi ka kakonzya kutuuntana, kwa sikati a masiku ali makumi one, aali eco, mu maanzi ayo. Ca kali cikankamanisyo. Ca kali cikankamanisyo, cakuti Leza wakali kukonzya kugwisya maanzi kuzwa ku milengalenga, cindi nikwa katakwe maanzi kujulu kuya akuleta.

¹¹⁸ Pele Ula konzya kubamba ciimo kuti ceelele Ijwi Lyakwe. Ucili mbubonya, mbuli Matalikilo 22, *Jehova-Jire*, “i Mwami ulakonzya ku Li bambila cituuzyo.” Mwabona? Ucili mbwabede. Elyo ndimwi lya mazina Akwe, aajisi bupanduluzi bunji aa lununuko.

¹¹⁹ Ca kali cikankamanisyo, cindi bana ba Hebrayo niba kasowelwa mu bbilalyamulilo. Nzila bantu botatwe mbo bakakonzya kweenda mu bbila, lyakali kupya loko kuti kupya kupati kwa kajaya akwalo bantu bakali kubasosela. Elyo nekubaboobo baka kkala muya, kabavuna buyo. Eco nce cintu cilikke nco cakacita. Mwabona? Ca kavuna kuzwa kuzyaanzyo ezyo nzobaka kaangidwe azyo. Ca kali cikankamaninsyo.

¹²⁰ Ziindizimwi, mu maumi esu eni, eco cikankamanisyo cila loolola. Ziindizimwi ula letwa ku kazekelo, oko nko eyelede kubamba muzeezo. Yebo weelede kwiima aa muzeezo oyo, mbuli mbo bakacita, alimwi koonse kula beleka kabotu antoomwe. Ino caka citanzi? Tii caka bacisa. Ca kabaangununa. Ziindizimwi tula jatwa mu busena obo. Cintu citaanzi nco tujisi, mbuli buyo

muntu uli mukunyikila mu mulonga, yebo weelede kugwisya muntu ku mulonga notana gwisya mulonga kuzwa mu muntu. Inzya. Elyo eco ziindizimwi muntu ncaelede kucita, nkuzwa a kubamba kwiima kwakwe, kusiya cintu. Elyo umu gwisye i—i cintu, kutegwa inga wagusya cintu kuzwa kuli nguwe.

¹²¹ Eco ncencico bana ba Hebrayo nco bakacita. Ba kacita kugusya mulilo, elyo Leza wakacitya cikankamanisyo ku citika.

¹²² Davida, tula bona Davida, mbuli mwana, mulombe buyo akajisi nkwilipo; kutali sumo, panga. Wa kabikka aa mbelele imwi, ku zyeembela. Ijwi lya bawisi, lyakali, “koembela mbelele ezyo.” Wa kali mweembezi.

¹²³ Bakwesu, oko mbuli mbo twiimvwi cifumo cino. Tuli beambezi. Ta tuyandiki lwiyo lwaku makkolegi. Ta tuyandiki cilwi ca lwiyo lwa zyabukombi. Tu yandika Ijwi lya Taata. Inga caboneka citete. Elyo cindi masekese na mubbi nanjila a kubweza imwi mbelele ya Taata, a kwiilongela mu musyobo umwi wa kalengwa, ncintu ciniini nco tuboneka kuba aco. Cila buseke, pele calo, oh, ncanguzu maningi cindi Leza a cibelesya. Koya itobele; koi josya!

¹²⁴ Nzila Davida mbwa kakonzya kubweza nkwilipo eyo a kuumina aansi mulavu! Nda kavwima balavu. Ma! Kakkala aa cilundu awa, buzuba bumwi, alimwi, Ndi yeeyela kuti, cisela ca maile kutantamuka. . . Nywebo mwakaba mvwa kaba goloma koonse, mu zisaka ezi. Pele mweelede kumvwa kulila komwe alubo kwa musokwe, myaala kaikunkulika kuzwa ku cilundu oko cinyama eco nkocilila.

¹²⁵ Elyo kubona munyama uuyoosya mbuli oyo, elyo mulombe oyu muniini, mulombwana uugalankene, wa ciwezo ciniini cidiimene, waunka a kujaya mulavu oyo, a nkwilipo. Eco ncikankamanisyo.

¹²⁶ Ca kali cikankamanisyo cindi muntu, kajisi tunwe tulampa mainci aali kkumi aone, wa zina lya Goliati, silumamba kuzwa kubwana, kavumbidwe koonse a zilyanyo; nzila yakuti Leza waka bweza nkwipo njiyonya niini a kulosya i—i mujompojomo, nkaambo kakuti wakali kulwisya impi ya Leza. Ca kali cikankamanisyo.

¹²⁷ Elyo cindi twa bweza kwiima kwesu, sunu, cindi muntu aamba zintu ezi kuti tazikonzyi kucitika, muta kwankani a mbabo. Eco cili lubide. Muta kwankani a mbabo, pele amubweze Ipanga. Amubweze eco. . . Amu lange kuli eco ceelede kuba buzuba buno, cindi Leza nakapa cisyomezyo Cakwe casunu. Mubweze *Eci* a kuunka, boonse ba Goliati bayoowa kungsi Kwalyo. Calo ncikankamanisyo. Eco Leza ncali mukucita sunu ncikankamanisyo. Nzila Mbwa konzya, Walo, Leza alike ngu konzya kucita eco. Ncibotu. I nkwilipo!

¹²⁸ Wa kali Musa oyo wakayiisigwa mu busongo i—i boonse bwa bana Egepita. Wa kali ukonzya kuyiisya sayansi yabana Egepita,

a zintu zimwi. Elyo cakali cikankamanisyo ncobeni, nzila Leza mbwa kapa muntu oyo zilwanyo. Lino amulange, lwiiyo lwakwe loonse, zintu zyoonse nzya kajisi, cakatola myaka iili makumi aali one kuti amuyiise, mpoonya cakatolela Leza myaka iili makumi one ku lugusya kuli nguwe. Mwabona? Mwabona? Kogwisya muntu oyo mu maanzi kotana gusya maanzi kuzwa ku muntu. Mwabona? Caka Mu tolela myaka iili makumi one kugusya kuli nguwe eco nca kayiide. Wa kajana kuti eco nca kajisi tee cakakonzya kuvuna Israyeli, elyo eco ncencico nca kazyalilwa. Ta kajisi kusala kuba obo; Leza waka mwiitila eco. Elyo tu jana kuti caka tola myaka iili makumi aali one ku lugusya kuli nguwe.

¹²⁹ Elyo ciindicimwi muntu atobela ncobeni milazyo ya Leza, ula cita zintu ziboneka kuba musyobo oyo, Ndi yeeyela kuti, “kusondoka,” ku muntu umwi.

¹³⁰ Jesu waka yeeyelwa kuba “sikansondo,” pele Wa kucita nciconya eco Taata ncaka Mwa ambila kucita. Wa kali Ijwi, lyaka yubununwa. Wa kaitwa kuti “sikansondo.”

¹³¹ Amulange Musa a oyu, mukaintu wakwe Zipora kakkede aa kambongolo, alimwi Gershomu aa kasolo kakwe; myaka iili makumi ali lusele yakukomena, a cilezu cituba kacilengelela kusika ku cikungu cakwe, mutwe wakwe wa lubala kaumweka ku milengalenga, kajisi kasamu kapilingene mu janza lyakwe, kaya kumusanza ku Egepita, kuyotola bweendelezi. Sa inga mwa yeeyela eco? Ba laamba, “Uya kuli, Musa?”

“Kuya kumusanza ku Egepita, kuyo tola bweendelezi.”

“Mbobuti mbozi uyocita?”

“I Mwami waka ndaambila.”

¹³² Kuyo endelezya impi! Kutali biyo impi, pele cisi. I cintu ncakuti, wa kacicita. Eci ca kali cikankamanisyo. Mbobuti, a kasamu kapilingene, wa kaleta imbata zya Leza ku Egepita; a kunununa Israyeli, a kasamu kapilingene, kutali impi nanka ipanga. Ca kali cikankamanisyo.

¹³³ Ikuti na umwi walanga ku zintu ezyo—ezyo zitakwe busyome, pele nekubaboobo nzya bwini, ncikankamanisyo ciindi ba—cindi ba . . . cindi noba konzya kucicita, cindi wacita eco.

¹³⁴ Lino tula jana akwalo, Joshua, awa, ngu twali kwaamba, kuya awa muli—muli Joshua 10:12, Joshua.

¹³⁵ “I zuba,” tula amba, bala twaambila sunu, “lilaima nji. I nyika ilazunguluka.” Bala amba, “Ikuti na nyika yaima, inga yaloka. Inguzu zyaakati kanyika zila jatilila mu kasena kalyo.”

¹³⁶ Lino, bakwesu, ncinzi cakatola busena? Wa kaambila “zuba kwimikila nji.”

¹³⁷ Baiyi bangu mu cikolo, elyo—elyo kuyisya Bbaibbele, kati, “Wa, Leza, wakalanga buyo kukutaziba kwakwe.” Pele, nekuba, lya kaima. Eci cakali cintu cipati. Lya kaima.

¹³⁸ Elyo ula mba awa, kuti, “Lya kaima nji kutandila buzuba boonse; elyo mweezi waka lengelela ku Ajaloni.” Kutu, “I zuba lya kaima nji.” Kufumbwa Nca kaimika, ta Ndi nzi Nca kaimika. Pele nkaambo ka muntu kwaamba, “koima nji,” alimwi cili—cili lembedwe awa, kuti, “I zuba lya kaimikila nji.”

¹³⁹ Sayansi ilaamba kuti, eyo impa mu mulengalenga icaamba kuteeti mbwini, ilakonzya kucisimpikizya mu milengalenga, sunu, kuti caka citika. Mwabona? Oko kwakali kutandila—kutandila myaka iili myaanda ya makumi obile ayosanwe yakainda, na cintucimwi mbuli eco, myaka iili myaanda ya makumi obile ayosanwe yakainda, ndiza, kuti caka cita eco. Ta cina, eyo impa tee yaka jisi ciindi caku tobezuya mu nyenyezi a zintu, akwalo. Eco cakali buyo. . . Eco cakali buyo mazuba obile akainda, ku ciindi ca Leza, mwabona, pele nekuba impa ilatondezya. “Elyo lya kaimikila nji!” Eco ncikankamanisyo. Taakwe muntu uukonzya kucimvwisya. Ikuti zuba. . .

¹⁴⁰ Ikuti nyika ilazunguluka, mpoonya wati, “Wa kaimika nyika.” Ee, ikuti na Wa kaimika nyika, mpoonya sayansi ilaamba, kuti, “Inguzu zyakati kanyika, kuzunguluka, zilayi jatilila kujulu kuya, nkokuti nyika noya kaloka, iini.” Pele yakaya ambele ncobeni kweenda, ku janza lya Leza. I cikankamanisyo. Nkaambonzi?

Oh, yebo wati, “Kuti cakali ciindi cakaindi loko.”

¹⁴¹ Eco ndi sunu, Leza nguwenya. Jesu wakati, muli Matayo, kutali Matayo, ngu Musalali Marko 11:22, “Ikuti na waambila ndundu eli, ‘Kozyuka kuzwa awa,’ a kutazumbauzya mu moyo wako, pele kusyoma kuti nco waamba ciyo citika, inga watambula eco nco waamba.” Eco cilasusya bulenge, pele weedelede kuba a kaambo abukanze kuli eco, obo buswaangene a ncico. Langa mu Ijwi kuti na ceelede kucitwa, alimwi mpoonya Leza ka kwiita kuti ucicite, nkabela ciyo cicita. Cindi waa ziba kuti cakaambwa mu Ijwi kucicita, elyo mpoonya Leza waka kwiita kuti ucicite, nkokuti ciyo citika; ikuti na kaambo a bukanze bwako zili luleme, kuli Leza. Ako nke kaambo zilengaano zila citika, kaambo zintu nco zyeenda mu nzila. . . We elede kuziba, a kuziba Leza waka cisyomezya mu oora eli.

¹⁴² “Mbuli mbo cakabede mu mazuba aa Lota.” Wa kasyomezya mu mazuba aa mamanino, mpawo Ula itila kucita. Ta lili penzi. Leza wakaamba obo. Eco cila cisitikizya. Masimpe, cili, calo—calo ncikankamanisyo. To konzyi ku cipandulula. Kwiina muntu unga wapandulula mbuli zintu zimwi mbozinga zyaambwa kuyo kucitika alimwi kakwiina ciindi comwe caakakilwa kucitika. Calo ncikankamanisyo. Pele Leza wakaamba kuti kocicita. Bwalo mbuzuba. Obo mbuzuba mbo tupona mo.

“I zuba lya kaimikila nji.”

¹⁴³ Samson, cakali cikankamanisyo obo mbwa kakonzya kujaya mulavu, a cinkwamaanza; mukompami muniini wamutwe uujisi masusu aazingene. Kanda-. . .Kandanisigwa, kuzwa kuli Leza, wa kali mu Naziri, kandanisigwa aa Ijwi lya Leza. Wa kali mu Naziri, elyo aboobo wa kalyandanya lwakwe nkambo ka Ijwi. Alimwi takajisi makuko mbuli musela wa citendele eco awo. Kufumbwa mwaalumi uujisi makuko mbuli ayo inga wamujaya mulavu. Ayo inga taaba maseseke, ikuti na wakali musela oyo, mbuli sayansi na—na lwiiyo lwa zyabukombi ibwa sunu basunu, alimwi—alimwi basikulemba basola kudulowa cifwanikiso cakwe. Wa kali mulombwana buyo musyooonto loko, mwabona, alimwi takali kukonzya kucicita. Pele Muuya wa Mwami wakaboola ali nguwe, mpoonya wa kali kukonzya kucicita.

¹⁴⁴ Tula konzya kwiima tolikke, tula konzya kwiima mbuli omwe na bobile, kufumbwa mbocibede; cindi Muuya wa Mwami wanosola kusimpikizya Ijwi eelyo Ndya kasyomezya a kukwambila kuti ucite, ciyo citika. Ci yooba cikankamanisyo, alimwi. Cilimasimpe.

¹⁴⁵ Ca kali cikankamanisyo cindi mwaalumi oyu nakabweza cifuwa camweebo wa mbongolo, eco nca kabwezela mu muunda. Lino, amuyeye, ezyo ngowani zyaba Filisiti zyakali antuli yainchi yomwe antoomwe a butale. Amu ciyeeye. Elyo waka jisi cifuwa camweebo wa mbongolo, kacilede kuya mu lukula.

¹⁴⁶ Sena mwaka sola kubwezela kale comwe? Inga wa cibbompa acituta cako, alimwi inga candauka mu zibeela zinji zili milioni. Cuumye ku mwaala wabbwe, ciba buyo busu, kutandila.

¹⁴⁷ Elyo wa kabweza cifuwa eci camweebo wa mbongolo eyi, a kuzunda cuulu caba Filisiti cakumaninina, kuuma mu ngowani zyabo. Ino cifuwa camweebo cakajatana buti antoomwe? Nkaambo nzi kwaanza kwakwe nokwaataleka kubleleka? Mbobuti mbwa kacicita, elyo balo bantu wakaisigwa a masumo? Calo ncikankamanisyo. Leza wakabamba cisyomezyo. Alimwi awo Leza mpabede, zikankamanisyo lyoonse zilacitika awo Leza mpabede. Iiyi, munene.

¹⁴⁸ Sa tii cakali cintu ceenzu mu mazuba cindi Mwaami Ahabu nakali mwaami, alimwi—alimwi awaku Judaya, a Israyeli, mubwini; a—a Josefati, muntu mululami, mwaami waku Judaya, wa Juda; nkabela bakabamba bbelekela aamwi kuya. Obo musyomi mbwanga waswaanana a—a sikulicengeezya!

¹⁴⁹ Ziindizimwi bantu bala njila mu musyobo oyo waku patila loko, sunu, bala lisanganya a bantu abo batasyomi Ijwi, kakuli balaangidwe kuli mbabo, a kujatwa kuli boobo, kusikila taba konzyi kuzwa. Ba layowa ku Li tambula.

¹⁵⁰ Nda nyomenena, camba ca babunyoko. Lino, ta mweelede kuba eco kupandululwa. Mwabona? Mwabona? Cindi bakaka,

na kutaba a cimwi cakucita a Ndilyo, “bala Li gwisya,” elyo nekubaboobo muyozwa ncobeni a ku Li gwasilizya. Mwabona? Nda nyomenena bantu bali boobo kuya. Ta muyoowi ba Kaisara a milawo, mwabona. Inzya.

¹⁵¹ Basyomi kabakamantana a basikuliceengezya! Elyo Josefati wakacita obo nakainka kumusanza kuli Ahabu, musyomi oyo wakuzinabuyo, uukasaala, wakayeeya kapati zintu zyabuleya izya nyika, a mibambo mibotu ya masusu aa mukaintu wakwe, a zintu, kwiinda mbwa kacitila Leza. Wa kakomwa kuli nguwe! Elyo tu jana kuti Israyeli yakali nciconya cikozyano ca cisi eci, mpoona; obo mbo bakazubuka a kugwisya benibanyika, a kwiikkala, alimwi bakali jisi bantu balemu mbuli Davida a Solomoni, pele kumamanino kwakabuka mulombwana mbuli Ahabu.

¹⁵² Pele ku mazuba a Ahabu ndendilyo munsinsimi nakasika aa cilawo. Leza lyoonse ulayubununa Ijwi Lyakwe.

¹⁵³ Elyo tu jana kuti, mpoonya, kuti cisi eci cakacita mbubonya. Twa kanjila, a kutanda bama India, a kwiikkala, elyo twa kali jisi Washington a Lincoln. Pele nkokuli nko tuyabuya lino? Pele Leza inga ucikonzya kubusya basinsimi. Ula konzya kubamba mabwe aya kuba bana ba Abrahamu, Ijwi Lyakwe lila cisesa. Malaki wakaamba kuti tu yooba ancico, nkabela tu yooba aco. Ci yooba kuno. Muta pengi. Ijwi Lyakwe liyo zulila.

Amubone, Mikaya wakali kumusanza mu cisi.

¹⁵⁴ Elyo Ahabu, kubaanga nkuciita mweebwa ku cisi, wa kajisi basinsimi ba Hebrayo bali myanda yone kumusanza kuya, kabunga kalemu kabo. Ba kasamide kabotu boonse, kasama kabotu, bayiide, bantu balwiiyo lwaatala, basinsimi iba Hebrayo, lino, kutali bahedeni. Basinsimi ba Hebrayo! Josefati wakabamba eli bbelekela amwi.

¹⁵⁵ Ndi yeeya kuti zintu zyoonse zilabeleka kabotu antomwe. I nkamu impati yaba sikulizya zilimba zyandeene ilalila buyo mulililo. Mwabona?

¹⁵⁶ Aboobo wakabamba bbelekela aamwi, kwiinka kutala, kubweza mwaami wa Edomu a kuzumanana kutala mu nyika, kubweza ba Syria, nkaambo cakali kuboneka kabotu.

¹⁵⁷ Elyo Josefati wazumina ku muzeezo, mbwakali muntu munaleza, kati, “Twe elede kubuzya Mwami, sa ta tweeleda?”

¹⁵⁸ Kati, “Mbo mbubo. Amu ndijatile, Nde elede kuyeeya obo. Inzya, Ndi jisi seminari kumusanza kuya, ndijisi mbotu kwiinda mu cisi, ba lwiiyo loko lwaatala. Inga bamba ‘ameni’ babotu loko mbo mutana mvwide.” Mwabona?

¹⁵⁹ Ee, wa inka kumusanza a kubabweza. “Kubaleta kutala a kubalekela kusinsima.” Mbaaba baboola basinsimi boonse kutala, bantu basamide kabotu loko, a bayiide kabotu, bakaiya

mbo kweelede koonse. Ba kalizi coonse ci Griki cabo, Hebrayo, a zyoonse. Mwabona?

¹⁶⁰ Ba kaboola kutala, alimwi boonse bakasinsima. Elyo bakali jisi nguzu zyakusinsima. Ba kaamba, “Kozumanana kutala. Ino ndipenzi nzi? Eyo nyika kutala kuya izulilwa kuli Israyeli.” Elyo eco cili bwini. “Joshua wakaipa ndiswe. Leza wakaipa, nkabela Joshua waka yaabaula. Elyo bana besu bakkala a nzala, elyo mada aba Filisiti abo akkutide whiiti uyo uulimwa mu cisi.”

¹⁶¹ Ba kali aa Ijwi kumaninina, cindi nicakasika kuli eco. Pele bakali bisizye a kusweekelwa nyika eyo. Ba ka yisweekelwa. Tii yakali yabo cakumaninina, mpoonya, mwabona. Pele, mbuli mbokweelede, ikuti na uyanda kujokela ku ntalisyo, yakali kuzulilwa kuli mbabo, nkabela balo basinsimi bakali luleme.

Ba kaamba, “Kozumanana kutala! I Mwami uli a nduwe!”

¹⁶² Pele, nywebo mulizi, muntu kuti kali kasimpe. . . Mbuli mbo Nda kaamba masiku ainda kujatikizya Josefa mukuba muntu ulondolokede. Kwakali cintucimwi cakata lizya mulangu muli Josefati. Wa kali muntu uululeme. Wa kaamba, “Tojisi umwi uumbi na?”

¹⁶³ “Umwi uumbi, alimwi tuli jisi seminari lyoonse awa? I babotu kwiinda mbotu jisi mu cisi, basinsimi Hebrayo, alimwi baamba ciluleme! Amu lange obo mbobali muni aa Ijwi. Ndeelyo Ijwi, kaamba kuti nyika eyi nji yesu. Tuli jisi nguzu zya kwiibweza.”

¹⁶⁴ Pele Jesu wakambila dyabulosi cintu coonya, elyo wakati, “Kuli lembedwe akwalo.” Eco ncencico ncoba kakilwa kubona. Eco ncencico cakabapa kutasyoma Jesu. Kuli lembedwe akwalo, “I nakalindu uyo mita.” Mwabona, baka kacilwa kubona eco.

¹⁶⁵ Aboobo cindi noba kati, “Kozumanana kutala! I Mwami uli a nduwe. Uyo kupa kuzunda nkaambo izulilwa kuli ndiswe. Cili—cili mu Zina lya Mwami. *Nceeci kai.*”

¹⁶⁶ Pele ticaka mvwika bweelede. Josefati wakati, “Sena uli jisi umwi umbi ngo tukonzya kubuzya?”

¹⁶⁷ Kati, “Iiyi, nkwali umwi uumbi, pele Nda musula. I nkamu tiika mutambuli.” Uh-huh. [Kabeela katakwecintu aa teepu—Mul.] “Ta tukabi acintu cakucita a nguwe. Ngu Mikaya, mwana wa Imula.”

¹⁶⁸ Kati, “Muta lekeli mwaami kwamba obo,” wakaamba Josefati. “Koya umulete.”

¹⁶⁹ Aboobo mpawo bakatuma sikusolola, kati, “Mikaya, sena ula yanda kubola mu luswaanano alimwi? Mwabona, amba biyo cintu comwe mbuli boonse ncobali mukwaamba. Eci ciindi cako ceelede lino. Yebo kozuminana a kabunga, a bamwi babo boonse, bayo kujosya. Mwabona? Elyo uyooba mu luswaanano alimwi inga waba a miswaangano yako yanguzu koonse, ku cisi coonse, mpawo.”

170 Wa kati, “Mbuli Mwami Leza mbwaponi, Ndi yoamba buyo Nca bikka mu mulomo wangu.” Tu yanda ba Mikaya. Wa kati, “Ndiyo bona eco Leza ncaamba kuli ncico, kutaanguna, ikuti na Walo undiyanda ku joka alimwi.” Aboobo wa kati, “Amundipe bwa sunu masiku, andibone Mwami eco nca taambe.”

171 Elyo masiku ayo Mwami waka mutondezya cilengaano. Wa keezyanisa cilengano ku Ijwi. Eco cakali kabotu.

172 Kati, “Kozumanana kutala; pele Nda bona Israyeli, mbuli mbelele, zimwaikide, kazita jisi mweembezi.”

173 Aboobo mpawo umwi, mupaizi mupati, na i—i musololi wa Nkamu ya Mabungano oonse aabunakristo, wakabola a kumubakula lubayi ku mulomo, elyo wakati, “Nkokuli Muuya wa Leza nko wainka cindi niwa Ndi siya?”

Wa kati, “Uyo bona, buzuba buya cindi wanookede mukati.”

Kati, “Nko kuli Nko waunka?”

174 Elyo wa kati, wa kati, “Nda bona Leza kakkede aacuuno cabwami. Nda bona makamu aaku Julu ka Mu zungulukide. Elyo kuya . . .”

175 Musinsimi wa Leza! I Ijwi lyoonse liboola ku musinsimi. Takukwe makani obo ciboneka kutaba aampuwo, nkocili lyoonse kuya. Elyo kaambo nco bazi kuti nkocili, cila cibamba obo, kuti eco muntu ncaamba cilaboola kucitika. Leza wakaamba, mpawo, eci cila citondezya. Mpawo, i musinsimi tacaambi buyo kwaamba Ijwi, pele akwalo kwaamba ziyocitika, alimwi sikupandulula wa Buleza iwa Ijwi, Ijwi lya Buleza lilembedwe. “I Ijwi lyakaboola ku musinsimi.” Elyo *Eci* nciyubunuzyo cimaninide ica Jesu Kristo. *Eci* nciyubunuzyo, i Bbaibbele. Ci yubununa Jesu Kristo. Mwabona?

176 Elyo lino, cindi musinsimi nakaboola aa cilawo, mpawo wakali kukonzya kwaamba zintu ziyocitika nkabela zyaka citika mbubonya buyo obo, Leza wakaamba, “Amuyeeye, Ndili a nguwe mpawo.” Mpawo cindi naka yubununa Ijwi, eco musinsimi umwi nca kaambide kale kumbele lyakwe, caka citika, mpawo bakaziba kuti cakali bwini. Eyo icili nzila ya Leza ya kucicita. Ta cinci nzila Yakwe. Mwabona? Amuyeeye, inkamu zipati—zipati zyakasola kucita eyo, pele tee zya kaicita.

177 Ngooyu umwi ngo twaambaula lino. Elyo bakali jisi nguzu; pele Eliya wakaambila Ahabu. Mwabona, Israyeli yaka tambwide muntu uulubide, oyo waka babambila tubunga, alimwi waakaka Ijwi lya bwini ansi. Mwabona?

178 Wa kati, “Nda bona Leza, nkabela nkuta yaka bambwa. Elyo Wa kati, ‘Ino nguni ngo tuta tume aansi a kuyo cenga Ahabu?’” Kati, “I muuya walweeno wakasika kumbele,” antela kuzwa ku gehena, “a kwaamba, ‘Ndiyo inka aansi a kunjila mu basinsimi abo, elyo akubacitya kuti basinsime bubeji.’”

¹⁷⁹ Basinsimi ba Hebrayo abo bakali kulanga nkoonya ku Ijwi! Mwabona? Pele eco Elisha nca kaamba caka boofwaazy. Ba kali kuyeeya kuti wakali muntu uunyongene, awalo. Mwabona? Pele cindi Mikaya nakali kungsi lya Muuya, wa kabona mbubonya eco musinsimi wakasimpe nca kaamba. Eco cakali ciindi ceelede. Ca kali ncico, ku cicita. Elyo balo ba Hebrayo bakali luzi, ali awo.

¹⁸⁰ Aboobo ba Hebrayo bakali luzi muli eco ncobakali kwaamba kujatikizya Jesu Kristo, mwabona, pele cakali kweendelana ku cimvule cabo eco mobakali kweendela. Kwa kali kubalama kwa buzuba bumbi, kutali mumuni wa buzuba. Sena makani aakale inga aliloolola alubo? I Bbaibbele lilaamba alacita, mwabona. Lino tu jana kuti kwakali. . .

¹⁸¹ Ca kali ceenzu kuteeti Leza wakasala oyu muniini, wakatayiide, wakata swaangene a mbabo, ku tondezya a kuletela bantu abo Ijwi; mubusena bwa cikolo eco, muntu uyiide, kabotu, bweelede, musongo. Wa kasala Mikaya. Eco ncikankamanisyo. Uh-huh. Masimpe mbo cakabede. Elyo caka citika munzila njionya Mikaya mbwa kaamba kuti iyocitika, nkaambo waka jisi Ijwi lya Mwami. Cakali munzila eyo lyoonse. Iyi, munene.

¹⁸² Johane Mubapatizi wakali umwi uumbi. Nywebo mulizi, tatu jisi bulunguluzi bunji bwa basinsimi oko nkobazwa, a zintu zimwi, bantu basimuuya. Mwabona?

¹⁸³ Muntu wakasala muntu, mbuli mbo bakasala Matiasi, a kucita obo kubweza busena bwa Judasi. Ta tumvwi kunji maningi kujatikizya nguwe. Leza waka sala Paulo. Mwabona? Mwabona? Oko kwakali kusala kwa Leza, a kusala kwa mbungano. Mwabona?

¹⁸⁴ Elyo ncintu nciconya, bantu bazwide Muuya, kanji mbantu basola ku citija, kuzwa kuli ncico. Ta bacyandi. Pele Leza ulacibweza buyo, a kwaamba, “Njo kutondezya. Njo cibamba.”

¹⁸⁵ Paulo wakasola kucija. Bamwi bakasola kucija. Banji bakasola kucicita. Musa waka sola ku citija.

¹⁸⁶ Ta tu jisi bulunguluzi bunji bwa Johane. Wisi wakali mupaizi. Cakali cilengwa mu mazuba ayo ku mwana mulombe kutobela wisi, mulimo wakwe. Pele cindi Johane na kazyalwa, kuzyalwa kweenzu, kugambya, kwalo kukankamanisya, cindi naka mitwa mwida lya banyina. Tu lizyi kaano ka Zakariya, a nzila Angelo mbwa kaambila mukaintu wakwe mbwayo mita. Elyo mpoonya tubona eco cakacitika, myeezi ili cisambomwe, muvwanda takalina puta.

¹⁸⁷ Elyo Maria waka swaigwa aa Gabrieli, a kuunka kutala mu Judaya, kuyomu juzya, nkaambo Gabrieli waka mwaambila kuti waa kali mitide. Elyo cindi naka unka kutala kuya, waa ka mwaambila, waa kati waa kali sisa mwini. Elyo cindi naka swaana Maria, ba kabukata Maria a maboko abo a kutalika ku mugwambatila, mbuli banakazi mbo bacita (ncobeni banakazi

Banakristo, basyomi), bakatalika ku mugwambatila. Elyo waa kati. . . waa kabona kuteeti wakali mupati, kuba mutumbu, elyo waa kati, “Nywebo mulizi, Angelo wa Mwami waka ndaambila kuti Ndi yooba mutumbu, ambebo.” Elyo Maria, Marta. . . Mundi jatile.

¹⁸⁸ Elisabeti wa kaamba kuti waa kali kubee wanyongana. Waa kati, “Nkaambo, ngu myweezi iili cisambonwe lino, alimwi muvwanda ta puti pe.” Teensi mbocibede, mwabona. Bavwanda mubwini, eco nco twiita, sunu, “bafwide,” mwabona, mbuli buyo bafwide mwida lya banyina. “Myeezi iili cisambomwe.” Ca kamupenya.

¹⁸⁹ Elyo, nywebo mulizi, Johane wakali a myeezi ili cisambonwe kukomena kwiinda Jesu, oyo wakali mweeninyina kububili. Maria a—a Elisabeti bakali beeninyina bataanzi. Elyo mpoonya cindi no tuziba kuti Elisa- . . .

¹⁹⁰ Maria waka cebuka, busyu bwakwe bwabukubusyi, elyo waa kati, “Mebo, Ndi yooba a Mwana, ambebo.”

“Aboobo yebo a Josefa mwaka kwatana?”

“Peepe, ta tukwetene pe.”

“Elyo ena uyooba a mwana?”

¹⁹¹ “Iyi, Muuya Uusalala uyo ndivunikila.” Cikankamanisyo! Mwabona? “I Muuya Uusalala uyo ndivunikila, nkabela Cintu Cisolala ciyo tegwa Mwana wa Leza.” Kati, “Gabrieli waka ndiswaana. Elyo cindi Na kacita, Wa kaamba kuti Ndi yooba a Mwana, elyo Ndi ‘yoita Zina Lyakwe ‘Jesu!’”

¹⁹² Elyo mbwa kaambila buyo kuteeti, “Jesu,” Johane muniini waka yuuntana cakufwambaana mwida lya banyina. Wa katambula Muuya Uusalala. I Bbaibbele lyakati, “Wa kazyalwa kuzwa mwida lya banyina, waka zwide Muuya Uusalala.” I ciindi citaanzi cakuti Zina eelyo lya kasolwa kwitwa kuzwa ku mulomo wabuntu, muvwanda wakafwide wakaba a buumi, mwida lya banyina. Ino ceelede Ku cita buti ku mbungano ya kazyalululwa? Eelyo Zina, Jesu!

¹⁹³ Kati, “Nkaambonzi kusika, waboola lili baama wa Mwami wangu? Nkambo kujuzya bwako mbo kwasikila buyo ku matwi angu,” waa kamvwa Zina Lyakwe, “muvwanda wangu wasotauka mwida, nkambo ka lutangalo.” Ncigambyo cikubwene. Calo ncikankamanisyo.

¹⁹⁴ Johane, kafwide, myeezi ili cisambomwe mwida lya banyina, wakaba a buumi, kwiinda ku Zina lya Jesu Kristo, ciindi citaanzi nilya kasolwa kwaambwa ku mulomo wabuntu, kutondezya kuti bantu bafwide bayooba a buumi, kwiinda ku Zina lya Jesu Kristo. Cicili cikankamanisyo! “Taakwe zina limbi kungsi ee Julu, lipedwe ku bantu, omo mobeede kufutulwa.” I cikankamanisyo! Iyi.

¹⁹⁵ Johane wakali cigambyo. Kali kuboneka mbuli kuti nakaunka a kubeleka zya bawisi, kainka ku cikolo oko bawisi nko baka yiila, kuba mu Levi. Levi wakali umwi luzutu wakali kukonzya kuba mu bupaizi. Aboobo Johane wakali mu Levi, aboobo calo, kwalyoonse, ca kali—ca kali cilengwa kuli nguwe kuya ku cikolo ca bawisi. Pele Leza wa kajisi i—i mulimo wakwe; wa keelede kuyoambilizya Mesiya.

¹⁹⁶ Mulimo wakwe wakali kugambya loko kuli nguwe kuti atobele zilengwa. Nda syoma mubala kabotu. Mulimo wakwe wakali cigambyo loko. Ta kakonzya kuunka ku zilengwa zyabo a katalika kunjila zilengwa zyabo.

¹⁹⁷ Bantu boonse bano amba, “Lino, sena tamu yeeyei kuteeti Mukwesu Jones, kuno, ngo muntu luzutu weelede kuba Mesiya? Tu lizi kuti weelede kuyo Mwa ambilizya. Sa muyeeya kuti musyobo buyo wa muntu weelede?” Na kaba uumbi Matiasi.

¹⁹⁸ Pele ino wakacita nzi? Wa kakkala mu nkanda. Taa kajisi lwiiyo. Johane, mbuli bunji bwesu, sunu, takali kukonzya kwaamba a kubelesya mabala aabwaambe bwa mwaambo ayo akali kunga apandulula bunanike bwesu kwiinda kuli ngawo, na muntu, kutali lwangu, antela bunji bwesu muno nitwa takonzya eco. Ino wa kacita nzi? Wa kacita kuunka ku bulenge, kuti acezyanisye, kuti atondezye kaambo kakwe keni. Mwabona? Cindi naka jisi bwaambe, wa kacita kuya ku bulenge. Amulange, wa—wa kati, “O nywebo no bana bacipile,” eco nca kabona, nzoka mu nkanda. Wa kabona obo mbo zyakabede, “Bana bacipile.” Lino, muntu wakaiya inga naka belesya bbala limwi, mwabona, eelyo ndakali kukonzya kubelesya mubusena bwa leelyo, pele wa kacipandulula kwiinda “ku nzoka.”

¹⁹⁹ Kati, “Muta yeeyi, muli lwanu, ‘nkaambo tu zulilwa oku,’ kuti muyooba ceelelo cili coonse kuli Leza; nkambo Leza ulakonzya mabwe aya...” Mwabona, kutali kubweza bbala limwi lya lwiiyo lwabukombi; taakwe ncazi kujatikizya seminari ili yoonse. Wa kajisi seminari yakwe mu nkanda, mwabona, kumbele lya Leza. Ca kali ceenzu cakuti Leza inga wabweza muntu mbuli oyo, calo ncikankamanisyo, mubusena bwa bapaizi, boonse kakaiide kabotu abo bakali mu zikolo. Calo ncikankamanisyo cikubwene. Leza lyoonse ulabeleka mu zikankamanisyo, ku muzeezo wangu.

²⁰⁰ I kuzyalwa kuli nakalindu cakali cikankamanisyo; nakalindu kumita, ikuzyala Muvwanda. Leza, kuba mubuntu; Leza waka cinca cisamo Cakwe kuzwa—kuzwa ku Muuya, kuba Muntu. Muntu kucinca... Wa kacinca cilao Cakwe, busena Bwakwe bwakukalila, a cikkalilo.

²⁰¹ Cindi Jesu nakaimvwi awo, elyo aa nkomwe zya Galilaya, Johane waka lungumana a kubona Muuya wa Leza, mbuli nziba, kiiseluka, nkabela Jwi lyakati, “Oyo ngo Mwana Wangu uuyandwa muli Nguwe mwe Nko ndelwa kukkalamo.” “Muli

Nguwe mwe Nko ndelwa kukkalamo,” cintu nciconya; bbala lipandulula cintu kumbele lyabbala lisandula, ngu koonse, mwabona. Mwabona? “Oyu ngo Mwana Wangu uuyandwa muli Nguwe mwe Nko ndelwa kukkalamo.” Leza a muntu kababa bomwe, kukamantana antoomwe nkambo ka lununuko. Obo Leza, cakuti wakavumba mweekwe a ciindi coonse, kakonzya kusika aansi a kulisamika Mwini mu Muntu, kutegwa Ala bile lufu nkambo ka mukowa oonse wabantu! I Cilenga, kafwa, kuti afutule bulenge Bwakwe.

²⁰² Majulu a nyika zya kabukatana, muntu a Leza bakaba bomwe (mbobuti muntu?) kuya, kuti Ako nzye kukkala mu muntu a kuswaangana. Taakwe cintu cita Leza kali tolaansi, kusola kusika ku muntu Wakwe.

²⁰³ Ku matalikilo, Wa kali Taata. Wa kali aatala lya boonse. Wa kali alike. Wa kapona alike, Elohimu. Akwalo cindi Na kaselukila aa cilundu, akwalo ikuti na banyama bakaguma cilundu, ba leelede kufwa. Pele mpoonya, “Wa kali mu mubili wabantu, nkabela twa ka Mu guma, ku Mu jatauka.” Wa kacita eco kutegwa atile Bulowa Bwakwe, Bulowa busalala; nkaambo twa kazyalwa ku cisusi cankwela. Wa kazyalwa ku kuzyalwa kwa nakalindu. Ta kali bulowa bwamu Juda. Alimwi Ta kali Simasi. Wa kali Leza, Bulowa bwakalengwa. Mwabona? Bulowa bwamu Juda tabu tufutuli. Bulowa bwa Simasi tabu tufutuli. “Bulowa bwa Leza,” Bbaibbele mbo lyaamba, “bula tufutula.” Bwakali Bulowa bwa Leza.

²⁰⁴ Bantu bamwi bakati Wa kali. . .kuti, “Maria wakamita, nkabela eco cakali i. . .iji lyakali lya Maria; seelo lya bulowa lizwa kucibeela ca mweenze, oyo wakali Leza.” Eco taciluleme, acalo. Ikuti na mbocibede, amulange awa. Mpawo, kuleta iji eelyo aansi, kwa keelede kuba musyobo umwi wakunyanyamukwa. Mpawo ncinzi nco mubamba Leza kucita kuli Maria?

²⁰⁵ Wa kalenga koonse iji a Bulowa. Wa kali Leza. Waa kali cikumbilo. Waa kali luzyalilo lwaka lombwa buyo. Mbuli kulomba cuumbwe caku zikkila. Wa kalenga zyoonse. Mwabona, taka jisi aakulazika mutwe Wakwe. Wa kaba mukozyanyo wesu, obo mbo tweelede kuba. Kwiina nakaiminina muntu uli oonse, pele wakacita eco caka botezya Wisi, lyoonse.

²⁰⁶ Elyo Taata lino ukkala muli ndiswe, kwiinda ku lufu Lwakwe. Wa kasalazya Mbungano; kuti cancobeni, Mbungano eyi, i salazi- . . .iitasalali, iisofweede. Leza kasika muciiimo caansi, kuzwa ku Musumpululu wa Mulilo; aansi kukuba muntu; elyo mpoonya Muuya Uusalala kauli muli ndiswe ncobeni. Sena tamu boni eco mbo cibede? I Leza nguonya kali tolaansi ciindi coonse, lino. Leza aatala lyesu; Leza uli aswe; Leza muli ndiswe. Mwabona? Mbuli, miyeeyo ya Leza; Ijwi lya Leza; a kuyubununa kwa Ijwi.

207 Cintu nciconya buyo, kuzwa ku matalikilo, kuyeeya kwa Leza; i Taata, Mbwa kabede; i Mwana, Mbwa kabede; Mufutuli, Mbwa kabede; Musilisi kwalo Mbwa kabede.

208 I Majwi akaambwa, nkabela Lya kayubununwa, “Nakalindu uyo mita a kuzyala Mwana; Zina Lyakwe liyo tegwa Emanuele, Sinkuta, Mwaami wa Luumuno, Leza Singuzu, Taata Uteeli,” elyo mbo cakabede!

209 Elyo kuzwa oko, kulibonya, “Kutegwa Ako nzye kuzyala bana banji kuli Leza.” I cintu coonse ngu Leza, wayubununwa! Leza aatala lyesu; Leza uli aswe; Leza muli ndiswe. I cikankamanisyo, nincobeni, cakuti Leza inga wakkala mu muntu, Mwini. Masimpe.

210 Wa kacita kuba obo, ku fwa, ku kkutya milao Yakwe Mwini ya bululami. Wa kasinsima, a kwaamba, “I buzuba mbo muyoolya kuli nguwo, buzuba obo muyofwa.” Elyo Wa kazulizya, kwakanyina muntu uli oonse umbi wakali kukonzya kucicita cita Lwakwe. Ikuti—ikuti Na . . .

211 Sunu, mu buzuba buno, Nda botelwa kuleta eci, ca i—i Buleza bwa Jesu Kristo, nkaambo kakuti muntu usola ku Mu bamba kuba musinsimi. Lino kuti kwacitika kuba wa Kristiani Sayansi uukkede awa, Ta ndinyonganyi kulimvwa kwako; Nda syoma Ta ndili mukucita.

212 Pele tula tondezya kunji loko ku zitondezyo. Swebo ba Pentekoste tubikka citondezyo cesu ku kwaambaula mu myaambo, alimwi nabubi loko mbo twa keenwa muli eco. Elyo obo bunji bwabo mbo baamba, “I mucelo wa Muuya ncitondezyo,” obo cabubi mbo mweenwa kuli eco. Peepe, munene. Ikuti na waambaula zya kwaambaula mu myaambo kuba citondezyo ca Muuya Uusalala . . . Cili, Nda syoma kuteeti Muuya Uusalala ulambaula mu myaambo. Muta ndimvwi buteelede. Inzya, pele nywebo mwati, “I muntu waambaula a myaambo, uujisi Muuya Uusalala.” Twa kacisyoma eco kwa kaindi kaniini, pele twa kajana kuti cali lubide.

213 Luther wakati, “Abo bakati baka syoma.” Twa kajana kuti eco cakali lubide. Wesley wakati, “Abo baka salazigwa a koongolola.” Twa kajana kuti eco cakali lubide. Pentekoste yakati, “Abo bakaambaula a myaambo.” Twa kajana kuti cakali lubide. I muna Kristiani Sayansi wakati, “I mucelo wa Muuya ncitondezyo.” Tu jana kuti eco cili lubide.

214 Nda kabona balozi a basimabibo kabanywa bulowa kuzwa ku kapoompo kamutwe wamuntu, a kwaambaula mu myaambo; a kubikka penso aa tafule a kulemba myaambo iitazizilwe, a kwii pandulula. Mwabona? Lino, muta ndaambili kujatikizya eco; baama mba India kucibeela cimwi, mwabona, elyo Mebo—elyo Ndi lizyi. Nda ka cibona a kucilanganya.

215 Nekubaboobo, Leza ulaambaula a myaambo, pele eco tacili citondezyo citonkomene cakuti ujisi Muuya Uusalala. Kutali obo ncobeni. Peepe, ncobeni. I Munakristo tali . . . A ndi . . .

216 Leza ndijatile ku cita eci. Ndiyo bikka Jesu ku kubetekwa nkambo ka ndinywe, kwakaindi kaniini buyo, ikuti na mula ndijatila. Sena Ndi jisi ciindi cinji obo? A tu bone, kwakaindi kaniini buyo. [I mukwesu waamba, “Iiyi, koliiba ku ciindi cako.”—Mul.] Kuba buyo i . . . Iiyi, Ndai—Ndai ndilizya a maminiti aali kkumi, pele njo binda a kusotoka zimwi ezi, mwabona. [Umbi mukwesu waamba, “Taakwe noba bikka ciindi.”] A tu sole buyo eci kwa kaindi kasyoonto, bakwesu.

217 Lino, Taata Wakujulu, ndijatile kuli eci. Ta ndi cibotelwi ku caamba, pele cili obo kutegwa bantu bazibe.

218 Ndiyo bweza eco kuteti Ndi lwana Jesu, cifumo cino, alimwi Ndiyo amba kuti muli nkamu ya bantu ba Juda, nkabela Jesu wayutuka buyo kutala kuno mu Bakersfield. “A ndiite ndinywe no bantu atoomwe a ku mwaambila zya micelo ya Muuya.” Bala syoma eco, abalo.

219 Ncinzi mucelo wa Muuya? Luyandisyo, lutangalo, luumuno, kukkazikamoyo, buuya, bubotu. Mbo mbubo na? [Mbunga yaamba, “Ameni.”—Mul.] Mucelo wa Muuya, bantu banji bayaamina ali eco.

220 Ciindicimwi ngu dyabulosi. Ula konzya kulikozyanisya kuli ceeco, mu tumpangaliko toonse; ula nco- . . . ula konzya kulikozyanisya mu kwaambaula myaambo, mu tumpangaliko toonse; bupanduluzi bwa mbubo, mu tumpangaliko toonse. Kufumbwa cimwi ca zipego ezyo, ula konzya kulikozyanisya kuli ncico.

221 Amuzibe, “Ndi yo,” ngooyo mupaizi, “Ndi yo ambaula kuli ndinywe nyoonse.” Lino Ndila iminina kulwana Jesu, kwakaindi kasyoonto. Nda mulomba Leza kundijatila, kutegwa buyo Ndi konzye kumutondezya eco nco Nda amba, kuleta kaambo keni. Mwabona? Njo amba . . .

222 “Balombwana, Ndili ano kwiiminina mbungano yanu, cifumo cino. Ndi kanana kuli ndinywe nyoonse. Lino, ngooyo mwaalumi mukubusyi mu dolopo muno, wa Zina Iya Jesu, waku Nazareta. Walo ujisi njisyo nyenzu. Tu lizi bapaizi besu. Lino tuyo beteka eci kwiinda ku mucelo wa Muuya. Oyu, mupaizi wanu, syanyinakulu wakwe mupati-mupati-mupati-mupati-wakwe wakali mupaizi. Wa kasotoka buumi bwakwe boonse bwa bukubusyi, nkambo ka zintu zyoonse nzo mwakabotelwa nomwakali bantu bakubusyi. Wa kasotoka eco, kuti abe mupaizi kuli Leza. Ino wakacita nzi kuli ceeci? Wa kaiya, kacita zintu zyoonse nzyakali kukonzya, kuba musyobo weelede wa muntu.

223 “Nguni wakaimvwi muni lyako ciindi taata a baama nobakali kuzwangana, alimwi kabaya ku kulekana? Nguni wakaima muni Iya taata a baama, ku bukatana maboko,

a umwi kuli umwi, a kubajosya antoomwe? Mupaizi wako mudaala uusyomeka kubusena kuya. Mupaizi wako mudaala uusyomeka wakaiya milao ya Jehova kusikila uliizi mu zibeela zyoonse, mu zibeela zyoonse, mu zibeela zyoonse. Wa kainda mu maseminari oonse. Uli jisi Digrii lya Bwiiyi. I Muntu uuji digrii lya Zilengwa zybuntu, uli jisi. Uuli jisi D.D., L.L., Ph.D. Uli zyi ncobeni eco ncambaula. Wa kayiila eco, kuciindi nywebo no baalumi nomwakali kutuntulika. Wa kalwiiya, nkaambo mweendelezi wanu.”

224 Nkukoonse oku kubamba kuyeeya kubotu, bakwesu, ikuti na mwaambaula munzila ya zyakulilemeka kwa mizeezo kwa ncico. Coonse cibamba kuyeeya kubotu.

225 “Ino ncikolo nzi oyu Jesu waku Nazareta nkwa kazwa? Taakwe naka jisi buzuba bwakuba mu cikolo, mbuli mbo tuzyi. Nkokuli Nkwa kazwida? Taakwe muntu uuzyi; mpaawa Wa boola koonse. Amulange ku mupaizi wanu mudaala, sibuuya mudaala. Cindi bauso niba kamaninwa mali ku ciindi eco, tee baka jisi mali, bakaunka kuli ni? I muntu wakajisi mucelo wa Muuya, mupaizi wanu sibuuya mudaala waka boleka mali kuti bamupe kwa kkumi kusikila zisyango zyakwe zyabelesegha.

226 “Nguni wakaima munsu lyako cindi banyoko nobakali mukutumbuka?” Mundi jatile, bacizi. “Elyo ba kayeeya kuti waa kalinoofwa. Nguni wakajata maanza akwe ali mbabo, a kukomba, kuciindi nokali kuzyalwa mu nyika eyi? Mupaizi wako sibuuya mudaala. Nguni waka kusumpwida kuli Jehova, a ku kupalula, a ku kujata a ku kubamba . . . a ku kutuula kuli Jehova? Oyo mupaizi sibuuya mudaala.

227 “Elyo amulange eco oyu Jesu waku Nazareta ncakacita, buzuba bumwi. Ncinzi Nca kali kukonzya kusola kucita ca mucelo wa Muuya?

228 “Lino, bunji bwanu muli basimakwebo, nywebo muli—nywebo muli jisi makwebo kuno. Nywebo, nywebo muli basambazi, a—a zintu zimwi. Jehova uyanda kabelele ka zibi zyanu. Nywebo tamu komezyi tubelele. Aboobo ino aba bapaizi basibuuya badaala nco bakacita, kutegwa buntu bwanu butaka sweeki? Ba kajisi basambali bakaunka kutala kuya mu nkuta, kupanga zizangala ziniini, a kubikka tubelele mukati muya; kuti mukonzye kubweza kuvola kwanu, oko nkomwa keelede kucita; kutali tubelele, pele mwaka cipanga mu cintucimwi cimbi, kubamba zyamakwebo esu kuyabuya. Elyo bala sobana . . . kapanga busena kutegwa nywebo, cindi nomwa kaba kulemenwa cibi, nkabela muyanda kwaangulula ku zibi zyanu. Oyu mupaizi sibuuya mudaala wakali jisi busena nko mwakali kukonzya kuula kabelele. Leza taakali kuyanda mali anu; Wa kati, ‘i kabelele,’ nkabela mwakainka a kuyoo ula kabelele!

229 “Ino ncinzi oyu Jesu waku Nazareta nca kacita? Kaboola a kutapawida aanze zintu zyabo, a kuzisukumuna, a kubaambila kuti bakali ‘kkoba lya babbi.’ Kwiina kunji kwa mucelo wa Muuya kuya, sa nkouli? Mupaizi wanu sibuuuya mudaala tabulili kuba zyakubotelezya. Oyu Mulombwana wakaluka ntambo antoomwe, a kupindamuna matafule, a kuba tandila kubusena kuya, nkabela wakaba langa cabukali. Oyu tauli mucelo wa Muuya. Mupaizi wanu sibuuuya mudaala! Nguni uyo kwaambilila majwi aa mamanino kuli nduwe? Mupaizi sibuuuya mudaala. Nguzi uyo zamizya, kutuula buntu bwako kuli Leza? Mupaizi sibuuuya mudaala. Mwabona, mucelo wa Muuya waka cicita. Elyo Mulombwana oyo takajisi imwi yayo!”

230 Lino yebo wati, “Mukwesu Branham!” Inga ndasimpika nkambauko ali eci, pele Nse kocita.

231 Ncinzi mucelo wa Muuya? I kuyubununwa kwa Ijwi lyaka syomezegwa. Ikuti na inga ndaima akulanga, Ta kajisi zintu ezi nzo bakajisi, mucelo wa Muuya, na cintu cili coonse. Pele Ijwi eelyo lyaka syomezegwa ku buzuba obo lyakali ku Mu yubununa, oyo wakali Mumuni nguonya wa oora. Oyo wakali Nguwo, mwabona.

232 Takukwe makani a kunji kwa lwiiyo, a mboli sibuuuya, mbo kanana maningi a myaambo, mboli sibuuuya loko, siluzyalo, a zintu zyoonse mbobede; ikuti na tee watambula Ijwi eelyo lya oora, cindi Lya yubununwa kumbele lyako, ulimu ziimo zyangumuyumu nzizyonya.

233 Eco inga cali mvwisya kulilemeka kubyaabi, Ta ndicipandululi kuba nzila eyo, pele Mbwini. Buyo, buyo ku Ci syoma, mwabona. Ncibotu. Lino Leza kondi jatila. Nywebo mwabona nce Ndi pandulula?

234 Nguni waka jisi mucelo wa Muuya? Jesu! Wa kati, “Amulingule Magwalo. Nywebo muyeeya...Muli Ngawo muyeeya kuti mu jisi Buumi Butamani. Nga Ndi lungulula. Ala mwaambila Mebo kuti Ndimeni.” Kwiina naka yutuka a kwaamba kuti Walo Wa kalini. Ta kabaambila pe. Elyo nkaambonzi Nca kabamba mbunga Yakwe eyo mpati...Wa kati, “Mwatalya nyama ya Mwana aa muntu, a kunywa Bulowa Bwakwe,” mbuli mbo Nda kaamba masiku ainda, “tamukwe Buumi.”

235 Baa, ma, mbunga eyo yakati, “Oyu Mulombwana ulisondokede. Ino inga madokotela a sayansi...Ee, oyo Muntu kasola kubamba kuba basindya bantu.” Taakwe naka Ci pandulula. Ca kali ciindi cabo caku Mu kaka.

236 Mpoonya Wa kajisi nkamu ya bakambausi bakali kubeleka a nguwe, basyomi bakuzina buyo. Wa kati, “Ee, ino muyoamba nzi cindi mwa Ndi bona nke tanta kujulu nkwe Nda kazwida?”

237 “Kuzwa kuli? Ee, twa kabona kampati Yebo mokazyalilwa, dolopo Yebo mokazyalilwa. Twa kazuba nswi a Nduwe,

kubusena a kuno ku zilundu. Yebo, twa keenda a Nduwe, kwaambaula a Nduwe, alimwi Wa kazwa ku...? Oh, ma, lino tuli Ku zyi kuteeti ulisondokede.”

²³⁸ Pele lusyomo, lwini ncobeni talu puti pe. Balo basikwiya tii bakakonzya ku Ci pandulula, pele baka lizi awo kuteeti cakaliko. Mwabona? Ci leelede kuba cintucimwi eco Leza nca kabyalala, keelede kuba miyeeyo Yakwe kuzwa ku malengelo aa nyika, cindi Na kakanza bakanununwa boonse. Efeso 1:1-5, Na kakanza cintu coonse kuzwa ku malengelo aa nyika, miyeeyo Yakwe, alimwi obu mbube bwa miyeeyo Yakwe.

²³⁹ Amulange Judasi kaimvwi awo, mbuli mupaizi kutala kuya, “Iyi, kweenda mu Mumuni,” kajisi nguzu zya kuponya balwazi. Matayo 10 ila citondezya. Wa kaba tuma kuya mu masena, nkabela bakajoka kaba sekelela, nkabela badyabulosi baka baswiilila. Judasi wakali ambabo! Mbo mbubo. Wa kati, “Muta sekeleli nkambo kakuti badyabulosi bamuswiilila; pele mazina anu ali lembedwe mu Bbuku lya Buumi ilya Kabelele.” Judasi wakali ambabo. Pele cindi nica kasika kukubweza Ijwi lizwide ilya Leza, waka Li kaka.

²⁴⁰ Mhubonya bantu mbo bacita, sunu! Mwabona? Jesu wakati, “Muntu uyo ponena ku Ijwi lyoonse,” kutali buyo lyomwe na Majwi obile. Lyoonse Ijwi!

²⁴¹ Yebo wati, “Ee, Mukwesu Branham, Nda konzya kuzumina cibeela Calyo. Elyo ta Ndi konzyi kuu...”

²⁴² Mpoonya ujisi sikupandulula Eva ngwa kajisi. Uh-huh. Wa kabweza kabeela koonse Kalyo, ka Li pandulula kabotu, pele bwaambe bomwe buniini. Lyelede kuba kabeela koonse Kalyo. Ikuti na Bbaibbele li La lyaamba mu nzila eyo, tacikwe bupanduluzi bwa kumuntu omwe pe. Ni nzila Bbaibbele mbo lya ka caamba. Elyo ikuti na Leza wakacitya koonse oku kuciswamitwe a buusu, a lufu lwa bavwanda, a kulila, a nkondo, a zintu, nkaambo Ijwi Lyakwe lyaka zumbauzigwa ku bwaambe bomwe, sa Uyo kujosya mu cintu cili coonse citasiki kuli Eco? Amu cilanganye.

²⁴³ Ta cinci pe. Muzezo wakwe mutaanzi lyoonse weelede kaucili muzezo oyo. Ako nke kaambo Ula beleka a muntu omwe, kutali a nkamu. Omwe! Ta konzyi kucicinca. Ee, Ndi jisi cintucimwi coonse ca kwaamba awa, pele Ndi... .

²⁴⁴ Lufu lwa Jesu lwakali cigambyo. Lwa kali cikankamanisyo. I bubuke bwakali cikankamanisyo. Tula syoma eco. Bantu boonse balizi kuteeti bubuke bwakali cikankamanisyo, kuti Leza waka Mu busya kuzwa ku bafu.

²⁴⁵ I Kuzyalwa kupya ncikankamanisyo. Mbo mbubo, konzya kucinca bupange bwa muntu! Inga twa kambauka nkambauko mpoonya awa aniini, mwabona, nzila cikankamanisyo, kubweza muntu oyo sikuunduluzya, uutasoyomi, takwe cintu cakucita a Ndilyo, elyo ndyoonya biyo kucinca kuzwa ku muzangi kuyaku

musalali, sibwaamu kuyaku mucizi. Calo ncikankamanisyo. Taakwe muntu uukonzya kumupa musamu, na indonga yamusamu, na bunji bwamusamu wakusilikwa, na kufumbwa cintu cimbi; Ci tola janza lya Leza singuzuzyoonse, alimwi eco alikke, kucinca muntu. Ee, calo ncikankamanisyo, cindi muntu aazyalululwa, mbo mbubo, cikankamanisyo cabupya.

²⁴⁶ Ca kali cikankamanisyo cindi Leza naka sala bazeli batakwankobaya bali mwaanda a makumi obile, kuteeti batole mulumbe, Makani mabotu ku Pentekoste, koonse ku nyika, mubusena bwa i—i Nkamu mpati yaba Sanhedrini yaka yiisigwa nkambo ka nguwo, abo baka yiisigwa a kulindila, a kulindila cintu kuti cicitike. Elyo Leza waka Li yubununa ku inkamu ya bazeli abo bakatali kukonzya akwalo kusaina mazina abo beni a kapepa. I cikankamanisyo, kuti Leza wakasala bali mbuli baabo, mu busena bwa kubweza i—i Nkamu ya Mabungano oonse aabunakristo ya buzuba obo, ku cicitita.

²⁴⁷ Ciyo cita cintu nciconya sunu. “Ula konzya kubusya mabwe aya kuba bana ba Abrahamu.”

²⁴⁸ I zilengaano zya basinsimi lyoonse zyakali cikankamanisyo, obo bantu abo, ku bunanike, bakali kukonzya kusinsima zintu ezyo zyaata kakilwa. Eco ncikankamanisyo, obo cintucimwi ciindilila muyeeyo wabuntu, cakuti tokonzyi kumvwisya. Ali obile, manjezeezya a manjezeezya-aciimo cabili; kuti Leza ulanjila mu manjezeezya-aciimo cabili, ali nkasimpe, a kubona kumbele, kula mugwisya a kubona zintu ezyo zyakali kaindi loko mu bukkalo bumbi, ulamu selesya kuciindi ciliko a ku mwaambila ciindi ciza, nkabela ta cikakilwi pe, kuciindi cili coonse. I cikankamanisyo, incobeni! Tacikwe busyome, pele cili bwini. Cila citika mbubonya buyo. Eco nco twa ka Mu bona kacita masiku ainda cakali cikankamanisyo, citakwe busyome ku muntunsi. Ta tukonzyi ku cipandulula.

²⁴⁹ I mbungano imwi ya Baptisti eyo mukwasyi wangu musyoonto nko wakaunka, buzuba bumwi, nkabela bakali kunselelo ku muswaangano mu Tucson. I mweembeli wakaima, mukutaziba kuti mulombe oyo uusobana a mwana wangu musimbi ngu membala kuya. Elyo wa kati, “Nywebo mulizi, Nda kazwaa kuziba, bawisi a banyina ba Mukwesu Branham beendela mu i—mu i nkamu yaba sikusangabalisya.” Elyo wakati, “Ba kali basimabibo, nkabela ako kooze kaniini nka cita.” Mwabona? Ndi yeeyela kuti kakali koonze kaponya balwazi? Nda zumbauzya naa bataata a baama baka sola kubona nkamu yaba sikusangabalisya. Taakwe noba kabona mootokala kusikila omwe ngo Nda kajisi. Mwabona? Taakwe nco bakazyi kujatikizya ncico.

²⁵⁰ Pele, nywebo mwabona, dyabulosi lyoonse uli jisi ca kwaamba. Ba kaambila Jesu, “Bala cita eci kwiinda muli Bezebule.” Baka jisi bwiinguzi ku cintucimwi ku mbunga yabo.

Nkaambonzi taba linguli Malembe a kubona Eci cakaambwa kuba sunu. Ngu Jesu Kristo i—i mbubuca, ijilo, mbuli Mbwa kabede ijilo Mbwa bedede sunu, amuya myaaka. Pele eco ncecico, mwabona, eyo ni nzila i—i buyo njo basola kucicita, ba Pentekoste batayiide, zilengaano zya musinsimi. Jesu muumi sunu, kumane myaka ili zyuulu zyobile, calo ncikankamanisyo, acalo. Mbo cibede masimpe.

²⁵¹ Lino Nde elede kujala, nkaambo ciindi ciya bumana. Sa mula syoma mu cikankamanisyo? [Mbunga yaamba, “Ameni.”—Mul.] Masimpe.

²⁵² A Nda ambe eci. Ciindi cimwi mweenzuma wakaindi sikusambala misamu, mudaala sibuuza, wa kati, “Mukwesu Branham, Ndiyo kwaambila cintucimwi.” Kati, “Ndi—Ndi lizyi mulimo wako,” alimwi kati, “Ndi—Ndiyo kwaambila.” Kati, “Inga camvika bufubafuba. Pele,” kati, “Ta ndina caambila bantu, nkaambo inga tii bacisyoma pe. Pele,” kati, “Ndiyo caambila nduwe.”

Nda kati, “Ko zumanana.”

²⁵³ Wa kati, “Moonya mu cintoolo eci cakusambalila misamu,” wa kati, “kuciindi ca buyumuyumu bupati bwa makwebo, Nda kali kkede awa. Mulombe wangu, uli eno ulikwete alimwi ngu endeleya cintoolo cakusambalila misamu mu dolopo limbi,” kati, “wa kali kulindila basikuula.” Elyo wakati, “Bantu bakajisi. . .” Kati, “Ba kacita kweenda ku. . . Mula yeeya cindi nakajana zyakuula kuzwa ku kkaunta, ku kujanina misamu. Kufumbwa cintu nco keelede kujana, wa kacita kujana kulembyakuula kwa nkuko.” Kati wa kabona banabukwetene kaba dadalika aa mulyango, nkabela wa kalanga. “Mutumbu, muniini mucete, kajisi ida, kajisi buyumuyumu loko kuti aime; mwanakazi mukubusyi, wakali kweenda buyo.”

²⁵⁴ Elyo kati, “I mwaalumi mukubusyi wakeenda kumbele lya mwana wa wangu, a kwaamba, ‘Ndi jisi kulembyakuula kuno kwa. . . I dokotela wandituma kunselelo kuyo jana kulembyakuula, mubwini, kuzwa ku mwiiminizi wa kkaunta kuno, ku—ku jana musamu umwi. Mukaintu wangu ulayanda maningi.’ Elyo kati, ‘Ta konzyi buyo cizunda limbi,’ kati, ‘uli cisidwe loko. Dokotela waka ndaambila, “Kaujane ndyoonya eno a kuupa kuli nguwe.”’ Kati, ‘Nda libuzya ikuti na inga Nda jana musamu, a kumupa musamu, nkabela inga wakkala ansi awa?’ Elyo kati, ‘Ciyu nditolela maora obile na one, kwiima mu mundando oyo, nke Tana kujana kulembyakuula kwa nguwo.’ Kati, ‘Ndalibuzya ikuti na inga wandipa musamu lino?’

²⁵⁵ “I mwaalumi mukubusyi wakati, ‘Munene, Ndi layanda kucita eco.’ Kati, ‘Ta ndikonzyi kucicita,’ wa kati, ‘nkaambo tu jisi i—i mulao kuno, kuti, swebo, nca makani aakubbadela mali oonse mpoonya wabweza cintu.’ Wa kati, ‘Twe elede kuba ancico.’”

256 Elyo kati wakali kkede kusule kuya, kabala mutende, mwaalumi wacipati. Wa kati, “Lindila kaindi kaniini, mwana.’ Kalanga ku mwanakazi oyo muniini mucete kajatilide mbuli obo.” Elyo aboobo wakati, “Koya ukalembe pepa lya kulembyakuula oko.’ Wa kati, ‘Uli lete kuno kuli ndime.’”

257 Kati wa kabweza bulembo bwabusilike dokotela mbwa kapa, kainka kuya a kulilemba. Kati, “Nda lilemba lyoonse, a kuyeeya, ‘Ikuti na taa libbadela, ncibotu; tacibambi lwandaano luli loonse.’”

258 Kati, “Nda keenda koonse oko nkwa kabede. Nda kali tambika aatala, kuti ndi lipe ku janza lyakwe.” Elyo kati, “Cindi ni Nda kalibikka mu janza lyakwe,” kati, “Nda kalungumana.” Kati, “Mukwesu Branham, Ta ndizyi naa ula syoma eci na pe.” Kati, “Nda libikka mu maanza aa Mwami Jesu.” Kati, “Nda ka Mu bona kaimvwi awo, kandi langide, elyo Bulowa kabukunkila ansi ku busyu Bwakwe, a nembe aa mutwe Wakwe.” Elyo kati, “Nda kajala meso aangu, mbuli obo, kubaanga ndakadalika. Elyo Nda kamvwa mulumi wakwe kati, ‘Sena uli kabotu, Dokotela?’” Elyo wa kati, “‘Iiyi.’” Kati, “Nda kacebuka, nkabela banakazi baka jisi bulembo bwabusilike.”

Kati, “Sena ula syoma eco?”

259 Nda kati, “Masimpe, Nda cisyoma. ‘Muciimo mbuli mbo mucitila bana baniini aba Bangu, mwa cicitila Ndime.’” I cikankamanisyo, nincobeni!

260 Bunji bwanu bakwesu kuno mwaka bala malembo aa Musalali. . .aa basalali baku mazuba mataanzi, nzila Mwami mbwa kabeleka a mbabo, cikankamanisyo, nzila zintu mbo zyakacitika. Tula syoma mu cikankamanisyo. Umwi wa i . . .

261 Musalali Martin wakali umwi ngo Ndali kusola kuyeeya. Mwabona, wa kali silumamba, alimwi mu France kwaka laililwa kuti weelede kutobela mulimo wa bawisi. Pele lyoonse wakali kubaanga wakali kusyoma. Banyina bakali musyomi. Elyo buzuba bumwi butontola. . .Wa kali muntu mubombe loko, elyo lyoonse bakali kubamba muntu kupolisha majombo akwe, a kumubamba kuboneka kabotu loko, mbuli silumamba mbwaelede. Wa kapolisha mabbusu aa muzike wakwe. Ta kainka ku zilengwa a kulilemeka kwabo. Wa kali kuyeeya kuti bantu boonse bakali eelene.

262 Aboobo buzuba bumwi butontola, wa kaliimvwi muni lya mulyango wa muunzi waku Tours, cindi nakali kunjila, nkabela wakati mpaawo kulede mukumbizi mudaala mu kagwagwa. Nywebo mwaka kabala, kuta zutambauzya, ziindi zinji. Mpaawo kwa kalede mukumbizi mu kagwagwa, kafwampeyo calufu, mapeyo atontola ncobeni. Wa kali kukumbila bantu, “Amuboole! Sa—sa muntuumwi inga wandipa gamesi? Njo fwampeyo, sunu masiku. Ta ndikonzyi kulala aansii awa mbuli obu. Sa muntuumwi inga wandipa cisani?” Taakwemuntu. Wa

kati, “Kaka, muntuumwi afwide luse; muntu mudaala, Ndili mukufwa. Nda zulizya kubeleka ciindi cangu. Nda cita ku bubotu bwangu bwiinda. Muta ndilekeli kufwa. Ndili mukufwa mpeyo calufu. Muntuumwi andi vungaille, sa mulacita?”

²⁶³ Elyo aboobo wakaima buyo kusule, Musalali Martin, kalanga. Ta kali musyomi, ta kali Munakristo eelyo, ta kalina Bu tambula. Wa kaima buyo a kulangilila. Taakwemuntu wakacicita, cindi inkamu zyantantu nozya kazumanana kwiinda, bamwi babo bakali kukonzya loko kucicita. Wa kajisi buyo bbaki lyomwe, nkabela eelyo lyakali bbaki lyakwe lya mpi. Wa kasomona panga lyakwe a kulitenda, zibeela ziyobile, kavungaila mukumbizi mudaala muli ndilyo, nkabela waka zumanana.

²⁶⁴ Bantu baka museka kaya buselemuka kagwagwa, kabeela komwe ka bbaki kalengelela ali nguwe. “Ino ngu silumamba uuboneka kugambya,” ba kaamba kuti mbo cakabede, baka mufubaazya.

²⁶⁵ Busiku obo waka sinsimuka, mu ng'onzi zyakwe. Wa kalanga, kakwiimvwi muni ku lubazu lya bulo bwakwe, elyo mpaawo kwa kaimvwi Jesu kavungaidwe mu kabeela ako kakaindi ika bbaki ndya kavungaila mukumbizi. Mpoonya wa kaziba, “Muciimo mbuli mbo mucitila bana aba baniini Bangu.”

²⁶⁶ Ca kali cikankamanisyo, kwiitwa kwakwe. Wa kali i—wa kali mutumwa wa bukkalo obo. Wa kaiminina Malembe, kulwana ubi boonse bwa Bunakatolika mu buzuba obo. Leza waka musala, elyo Wa mulekela kubona Kristo, kwiinda ku cikankamanisyo.

²⁶⁷ Bakwesu, inga twabona cikankamanizyo a cikankamanisyo. I cikankamanisyo cipati cila boola kumbele lyesu, “Cindi Mpeta ya Mwami yakulila, nkabela ciindi tacicikabi limbi; elyo cifumo ciyopasuka ku Butamani, bumweka a bweebeka.” Cindi bubuke bwaboola, nkabela tuyo kwempwa antoomwe, kuyo Mu swaana mu mulengalenga, eco ciyooba cikankamanisyo camalekelo, cindi twa kwiinka kuyooba a Nguwe. Kusikila eelyo, atube bazike basyomeka ku Ijwi lya Leza, lili ngu Kristo.

Sa inga twakomba?

²⁶⁸ Taata Wakujulu, twa Ku lumba, cifumo cino, ku Bulowa obo butubamba kuba babunyina. Twa Ku lumba ku Mwana wa Leza Oyo wakapa buumi Bwakwe, kuti tukonzye kuba bomwe a Nguwe mu Bwami obu bupati buli aa nyika, Bwami bwaku Julu obo bweelede kuyakwa. “Tu langila buzuba obo bwa Mileniamu ya lukondo, cindi Mwami wesu ulelekedwe nayo boola a kukwempa Nabwiinga Wakwe uulindila,” Samu lya Nabwiinga iniini. Ngo nguwe Samu eelyo lyakali mu muunda wa Edeni; Cinkwa ca Buumi. Aboobo mbwabede Mukaintu Wakwe muniini i samu, Samu lya Nabwiinga ilya ku mazuba aaku mamano. Oko, zintu zyoonse zyasola kuleta, pele nguzu zipati zya Leza zyakokola intabi, kutegwa mucelo uubizwe. Kopa,

Mwami, kutegwa tu konzye kusanganisigwa muli eco. Ko tupa Buumi Butamani.

269 Tu jisi cintu comwe eci antoomwe, kuciindi notuli mu dolopo eli, tula syoma Ijwi lya Leza. Tula syoma muli Jesu Kristo. Tula syoma kuti Ta fwide pe, pele Ula pona. Elyo Majwi Akwe, cisyomezyo ca oora, eno cili mukutondezegwa. Aya maora aa mamanino. Eci ncutondezyo ca mamanino. I Kuboola kwa Mwa- . . . I Mwana waka syomezegwa uli afwaafwi.

270 Tula bona nyika, munzila yaziimo zya bupange. Tula bona zitondezyo; mizumo yanyika mu masena aansininsini, masi kaalwana masi. Tula bona zintu zyoonse ezyo zyakaambwa kuba. Tula bona kuboneka kuyoosya mu milengalenga, myoyo ya bantu ili mukuwizuka; tundeke tweenzegwa abamuzyakule, a zintu zimwi, nzo batakonzyi kupandulula, imbata zyakuvuntauzya kaziboola ku nyika. Tula bona mabbomba aatomiki kagwabikidwe kutala kuya, masena oonse, alimwi tudandamiti tupai tukonzya kucita lunyonyooko lumaninide mu oora. Tula bona magasi kagwabikidwe aatala lyesu kuya, ayo anga ausya mililo aansii, kuzwa ku julu, a kunyonyoona nyika.

271 Pele tula bona Jesu, aswebo, Oyo waka panga cisyomezyo! Elyo mbuli mbwa kaamba, “Oyu Jesu nguonya, wa katolwa kujulu kuzwa kuli ndinywe, uyo boola alimwi mu ciyanza ncutonya mbuli mbomwa Mu bona kanjila ku Julu.” Tula ngilila Buzuba obo bwa lukkumano kusika.

272 Myoyo yesu, bunji bwesu ano, Mwami, kuzwa kuciindi ca balombe baniini, twa kabikka nguzu zyoonse ezyo nzo tuzi kucita, kubelekela Nduwe. Mwami, talekeli meso esu koofwaala ku oora eli. Kojula meso esu, Mwami, kuti Njo bona zisyomezyo zyoonse. Akube kuti Ndi konzye kucizumina akwaamba “ameni,” kuti cili boobo, zintu zyoonse Leza zyaka syomezya. Ko cipa, Mwami. Kotupa muswaangano mupati.

273 Koleleka aba, bakwesu bangu a bacizi, kuno. Bamwi aba banakazi baniini baimvwi kuno, aamvwi kumitwe, abo bakabeleka mu—mu kubamba balumi babo, kuciindi noba kabeleka kuya kumasena aa ncito. Elyo, Leza, Uyo bapa bulumbu, baalumi abo baka zwidilila kujana zilumbo, nkabela bakeenda kwiinda mu maziba aazwide luuni. Mbuli mbo tukkede cifumi cino, kuzunguluka tafule eli, kulanga kuli umwi aumwi, alimwi masusu esu kacinca kuba aamvwi, alimwi twa lwana nkondo kwa ciindi cilamfu, alimwi antela tatucika swaangani limbi ku kalimbabula kambi. Ta tuzyi.

274 I Kuboola kwa Mwami inga kwaba sunu, inga kwaba juunza, inga kwaba mwaka uuboola. Ta tuzi cindi ni kuyooba. Pele cintu comwe masimpe, twa kasyomezegwa kuyo swaana ku Cilalilo mu milengalenga, alimwi Mwaami uyo yutuka a kusinda misozi yoonse ku meso esu, a kwaamba, “Muta pengi; konse kwamana

lino. Amunjile mu lutangalo lwa Mwami, ndwa kabambila ndinywe kuzwa ku malengelo aa inyika, cindi nitwa kasalwa kuba bana ba Leza, kwiinda muli Jesu Kristo. O Taata, Leza, kopa eci.

²⁷⁵ Akube kuti myoyo yesu idunte mbuli omwe. Elyo mbuli mbo Nda amba kaindi kaina, ku banabukwetene baniini abo bali kutandila kulekana. . . Leza, mbuli mbo twandaana kuzwa uli umwi aumwi awa, tu jana cintu comwe eco nco tujisi toonse. I Methodisti, Baptisti, Unaitedi, Assembulisi, Mbungano ya Leza, tu jisi cintu comwe toonse, Jesu Kristo. Ta tukonzyi kuswaangana mbuli tubunga, a kukwankama zya tunsiyansiya a zintu zya mbungano. Pele mbuli babunyina, tula swaangana kungsi lya Bulowa bwa Mufutuli wesu, Jesu Kristo, alimwi awao tuli jisi zintu zikozyenyo toonse. Elyo ku mbaakani eyi iikozyenye, Mwami, Nda boola kuswaana babunyina bangu, bantu ba Lusyomo, lukozyenye luyandisi. Akube kuti swebo, antoomwe, mu mvwiki eyi iboola, kubeleka akoonse oko kuli kuli ndiswe, kubona bulemu bwa Leza kujosegwa ku mbungano alimwi. Twa tuula zintu zyoonse kuli Nduwe, a ndiswe. Mu Zina lya Jesu, leleka kusoleka kwa bukanze bwesu. Amenii.

²⁷⁶ Amu lelekwe, bakwesu bangu. Mukwesu Roy, sena wajisi ijwi lya kwaamba? [Kabeela katakwecintu aa teepu—Mul.] . . . ? . . .

²⁷⁷ Obo Ijwi mbo litaka kilwi! Jesu wakali Ijwi. Tula zuminana aali eco. [Mbunga yaamba, “Amenii.”—Mul.] Cindi bazyali Bakwe noba ka Mu luba, a ku Mu siya kunselelo ku pobwe, nkabela bakali uunkide kwa mazuba ali otatwe elyo tee baka Mu jana, elyo baka joka. Tu Mu jana mu tempele, kaizya a bapaizi, elyo baka gambwa ku Mwana oyu. Ta tujisi bulunguluzi Bwakwe kuya ku cikolo. Pele, amuyeeye, Wa kali Mulombe buyo, myaka ili kkumi ayobile, kutandila kulampa *obu*. Elyo amulangilile kaambo ka banyina.

²⁷⁸ Lino, kutali kuubaula kuli ndinywe no bantu iba Katolika, ikuti na kuli umwi uuliko muno, ku mwiita kuti “banyina Leza.” Mbobuti mbwa konzya kuba banyina Leza? Mwabona, waa kali cikumbilo eco Leza nca kabelesya, kutali bany- . . . Amu mulange, ikuti na mbanyina Leza, mubwini waa kajisi busongo bunji kwiinda Nguwe, amubone, cindi nakali banyina, waka Mu pa buumi, waa kapa Leza buumi. Mwabona?


²⁷⁹ Amulange awa. Waa kati, “Bauso a Ndime twa Ku yandaula, isikati a masiku, e misozi.” Waa kaubausya bumboni bwakwe butaanzi. Wa kaita Josefa kuti Wisi wakwe.

²⁸⁰ Lino amulange Mulombe oyu wa myaka iili kkumi aibili yakukomena, mukutaziba eco Nca kali kwaamba. Wa kali Mulombe buyo, pele Wa kali Ijwi. Mwabona? Wa kati, “Sa tamuzi kuti Nde elede kucita mulimo wa Taata Wangu?” Mwabona Ijwi kali lulamika bulubizi? Mwabona?

²⁸¹ Waa kali kupa bumboni Na kamana kubuka; coonse cakali manide lino, waa, mwabona, “Bauso a Ndime twa Ku yandaula,” kuunka mbubonya eco. . . Waa kati waa kamitide Mwana oyu ku “Muuya Uusalala,” elyo mpawo kwiita “Josefa” bawisi.

²⁸² Elyo Mulombe oyu muniini, Mwana wa myaka ili kkumi aibili, taakwe busongo pe, baa, pele Mulombe buyo wa myaka ili kkumi aibili. I Taata takali kukkala muli Nguwe ku ciindi eco; nkaambo Wa kasika ku buzuba cindi Na kabapatizya Nguwe, “Wa kabona Muuya wa Leza kuuseluka aansu, mwabona, nkabela wakanjila muli Nguwe.” Pele, amulange, oyu Mulombe muniini wa myaka ili kkumi aibili, mbwakali Ijwi; Wa kazyalwa kali Umwi munanike, mwabona, kuba munanike. Elyo ngooyu Mbwa kabede, “Sa tamuzi kuti Nde elede kucita mulimo wa Taata Wangu?”

²⁸³ Waa kati, “Bauso a Ndime twali ku Ku yandaula.” Ikuti na Josefa wakali wisi Wakwe, Na kali kunga wakali awe ku mulimo wakwe, kapanga zitendele a maanda.

²⁸⁴ Pele Wa kali mu tempele, kalulamika tubunga oto. Mwabona? “Sa tamuzi kuti Nde elede kucita mulimo wa Taata Wangu?” Mwabona nzila Ijwi Iya Leza mbolyaka lulamika bulubizi obo, mu Mwana oyo! Ameni. Leza amu longezye. 

CIKANKAMANISYO TNG64-0206B
(Paradox)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Bwane kuseeni, Mulumi 6, 1964, ku kal'mbabula cifumofumo ka Full Gospel Business Men's Fellowship International ku Salad Bowl Restaurant mu Bakersfield, California, U.S.A., wakagwisigwa kuzwa ku rekordi yamagnetiki a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa akumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org